

記纂淵海

二十三

神速



如飛如翰如江如漢如山之苞如川之流綿綿翼翼不測不克濯征徐國詩常武

發如風雨動如雷霆晉書善用兵者動于九天之上孫微乎微至於無形神乎神至於無聲同良將如收電可見不可追抱朴子

先人有奪人之心軍之善謀也左文周亞夫擊吳楚趙涉曰兵事尚神密將軍出武關抵洛陽直入武庫諸侯聞之以為將軍從天而下也前漢周勃傳雷動風舉後發先至離合向背變化死生常以輕疾制敵也前漢岑彭至武陽繞出

延岑軍後公孫述大驚以杖擊地曰是何神也後漢岑彭傳此神動若神前漢宣紀檄書有急即插鳥羽其上也後漢荀爽注

兵從天而墮破之必矣晉書宣帝紀杜預曰兵威已振譬如破竹數節之後迎刃而解無復着手處也晉本傳變化若神同

吳孫歆與伍延書曰北來諸軍乃飛渡江也通鑑西晉紀秦符登曰彼為何人去令我不知來令我不覺通鑑東晉武紀梁韋叡

夜掘長塹樹鹿角截洲為城比曉而營立魏中山王英大驚以杖擊地曰是何神也通鑑梁武帝紀李光顏平劍南塞旗蹈

軍出入若神唐書指顧之間擒擄如神太公用兵之道如疾雷不及掩

耳卒電不暇瞑目同上我軍過若駭鯨之決細網奔兕之觸曾縞史四校橫徂

星流彗掃文選燕摧群雄而電擊史風馳羽檄史行身

輕一鳥過鎗急萬人呼誅兵之情惟主速乘人之不及李衛

出奇

善**用**兵者感忽悠暗莫知所從出議好凡戰者以正合以奇勝故善奇者無窮如天地不竭如江海終而復始日月是也死而更生四時是也孫飛鳥之驚也總其首猛獸之攫也匿其爪虎豹不外其牙噬犬不見其齒故用兵之道示之以柔而迎之以剛示之以弱而乘之以強為之以翁應之以張淮南

史秦人毒涇上流人多死左襄十晉與楚戰晉胥臣蒙馬以虎皮先犯於陳蔡狐毛設二旂而退之栾枝使輿曳柴而偽遁左僖二晉伐齊齊侯登巫山以望晉師晉人使司

馬斥山澤之險雖所不至必旂而䟽陳之使乘車者左實右偽以旂先輿曳柴而從之齊侯見之畏其眾也乃脫歸左襄十燕使騎劫代樂毅齊田單收城中得千餘牛為絳

繒衣畫五綵龍文束兵刃於其角灌脂束葦於其尾燒其端鑿城數十穴夜縱牛壯士五千人隨其後牛尾熟怒奔燕軍所觸盡死傷因擊之大敗復齊七十餘城史魏

與趙攻韓告急於齊使田忌將直往而走大梁魏將龐涓聞之去韓而歸齊孫臏使齊軍入魏地為十萬竈明日為五萬竈又明日為二萬竈龐涓行三日大喜曰我固知齊

軍怯入吾地三日士卒亡者過半矣乃與輕銳倍日併行逐之史趙括擊秦武安軍張二奇兵以劫之趙括不利通第五韓信擊趙乃使萬人先行出晉水陣趙兵望見大笑開壁擊之大戰信棄鼓旗走水上軍皆殊死戰不可敗趙破

出奇

斬成安君通鑑漢高紀楚龍且與韓信夾維水陣信乃夜令人

為萬餘囊盛沙壅水上流引兵半度擊龍且陽還走龍且

追信信使人決壅囊水大至龍且兵大半不得度即擊殺

龍且西漢韓信傳韓信擊魏王豹信乃益為疑兵陳船欲渡臨

晉而伏兵從夏陽以木罌渡軍襲安邑通鑑漢高紀李廣擊匈奴

奴令曰下馬解鞍其騎曰虜多且近即有急奈何廣曰彼

虜以我為走今皆解鞍以示不走用堅其意於是胡騎遂

不敢擊史記本傳臧宮為輔威將軍將兵屯越時公孫述將任

滿與岑彭相拒於荊州宮兵少力不能制會屬縣送委輸

數百乘至宮夜使鋸斷城門限令車聲回轉出入至旦越

人伺候者聞車聲不絕而門限斷遂破荊門滅公孫述後漢

北匈奴大入雲中太守廉范拒之吏以眾少欲移書傍郡

求救范不許會日暮范令軍中蓐食晨往赴之斬首數百

級通鑑漢明紀虞詡為武都太守不滿三千兵羌眾萬餘圍之

詡陳兵從郡東郭出北郭入貿易衣服迴轉數周虜恐而

退設伏邀之大敗後漢虞詡有將帥之畧以為武都太守羌

眾數千遮詡於陳倉峭谷詡即停軍不進而宣言上書請

兵湏到當發羌聞之乃鈔傍縣倉詡因其兵散日夜進道

兼行百餘里令士各作兩竈日增倍之羌不敢逼或問曰

孫臏減竈而君增之兵法曰行不過三十里以戒不虞而

今日且二百里何也詡曰虜眾吾兵少徐行則易為所及

速進則彼所不測虜見吾竈日增必謂郡兵來迎眾多行速

必憚追我孫臏見弱吾今示強勢有不同故也通鑑漢明紀胡遵

諸葛誕攻東興吳將丁奉見其前部兵少乃使兵皆解鎧

去矛戟但兜鍪刀楯保身緣場魏人望見大笑之不即嚴

兵吳兵得上便鼓譟斫破魏前軍魏軍驚擾散走通鑑魏高紀

出奇

公馬隆擊樹機能出敵不意夾道累磁石賊負鐵鎗行不得前隆卒悉被犀甲無所留礙咸以為神晉書江道為殷浩長史時羌及丁零叛浩軍懼令道擊之道謂將校曰今兵非不精而衆少於羌且其塹柵甚固難與校力吾當以計破之乃取數百鷄以長繩繫火於足群鷄駭飛散集姚襄營火發因其亂而擊之敗同上檀道濟與魏戰食盡軍士有亡降魏者具告之魏人追之衆恟懼將潰道濟夜唱籌量沙以所餘少米覆其上及旦魏軍見之謂道濟資糧有餘以降者為妄而斬之時道濟兵少魏軍甚盛道濟命士皆披甲已白服乘輿徐出魏人以為有伏兵不敢逼道濟全軍而返通鑑宋文帝紀賀若弼請緣江防人每交代之際必集廣陵於是大列旗幟營幕被野陳人以為隋兵大至急發兵為備既知防人交代其衆復散後以為常不復設備又大兵緣江時獵人馬喧譟故弼之濟江陳人不覺通鑑隋高祖竒間出隋書突厥達頭可汗犯塞長孫晟以突厥飲泉易可行毒因取諸藥毒水上流突厥人畜飲之多死於是大驚曰天雨惡水其亡我乎因夜遁晟追之斬首千餘級通鑑柴紹擊吐谷渾虜據高射紹軍士皆失色紹安坐遣人彈琵琶二女子舞虜疑之休射而觀紹伺其懈掩擊虜大潰唐書阿史那元珍入寇王方翼被詔進擊時軍無完鎧方翼斷六板畫虎文鉤聯解合賊馬忽見奔駭遂大敗同上
傳形人而我無形此乃竒正之極書能因敵變化以取勝謂之神五行無常勝四時無常位日有長短月有死生

帥先

經元戎十乘以先啓行小雅

出竒

史 穎考叔取鄭伯之旗螿狐以先登瑕叔盈又以螿狐登

周麾而呼曰君登矣鄭師畢登左一金鼓以聲氣也左

二針軍志曰先人有奪人之心左二齊侯賞犂彌辭曰

有先登者臣從之哲憤而衣貍製公使視東郭書曰乃夫

子也左九祭彤為遼東太守彤有勇力虜每犯塞常為士

卒先鋒數破走之通鑑漢光武紀鄧艾伐蜀山高谷深至艱險艾

以羶自裹推轉而下將士皆攀木緣崖魚貫而進先登至

江油魏志本傳高麗率兵二十五萬來拒戰薛仁貴自恃驍勇

欲立奇功乃異其服色着白衣腰鞬兩弓大呼先入所向

無前賊盡披靡太宗遙望見之問先鋒白衣者為誰引見

賜馬絹舊唐書本傳張巡每戰將士或退散巡立於戰所謂將

士曰我不離此汝為我還決之將士莫敢不還死戰通鑑唐肅

綜李晟每與賊戰錦衣綉帽拍頤陣前唐書本傳馬璘單騎先

士卒奮擊倭斬千計通鑑唐紀李愬至蔡州城下李祐李忠

義鑿其城為坎以先登壯士從之同上唐憲宗紀

振臂一呼爭為先登李少卿突刃摧鋒為士卒先曹子建

首啓戎行魏文將秉先登羽魏詩決命爭首陷陣摧兇陳

集張軍心以吞敵奮士力而拍縱白傳裂裳而千里來應

左袒而一呼皆至柳文

公廉

史 具起善用兵廉平盡能得士心史記本傳李廣為人廉得賞賜

輒分其麾下飲食與士共之通鑑漢魏紀尚為雲中守軍市

租盡以饗士卒史馬唐傳諸葛亮軍無私蜀志祖問諸將所得

物唯李忠無所畧世祖賜所乘驪馬及綉被後漢鄧艾為大

將二十餘年素儉不治私妻子不免飢寒蜀志羊祜入吳境

刈穀為糧送綰酬之晉書後周于謹伐梁收其府庫珍寶得宋渾天儀梁日晷銅表魏相風烏銅蟠螭大玉徑四尺圍七尺及諸輿輦法物以獻軍無私焉北史李勣得金帛盡散之士卒一毫之費必用於戈矛白傳集

與士卒一體得士卒心

①視卒如嬰兒故可與之赴深溪視卒如愛子故可與之俱死孫子

②楚子伐蕭師人多寒王巡三軍拊而勉之三軍之士皆如挾纊左宣十昔闔廬在軍熟食者分而後敢食其所嘗者卒乘與焉左京九年士卒次舍井竈飲食問疾尋藥身自拊循之悉取將軍之資糧享士卒身與士卒平分糧食史續傳兵起為將與士卒最下者同衣食卧不設席行不騎乘親

裹贏糧與士卒分勞苦卒有病疽者起為吮之史本田單身操版鍤與士卒分功妻妾編於行伍之間同上孟舒守雲中士爭臨城死敵如子為父西漢田叔傳李廣士卒咸樂為之死士卒多樂從廣飲食與士共之史本廣之將兵乏絕之

處見水土卒不盡飲廣不近水土卒不盡食廣不嘗食寬緩不苛士以此愛樂為用上同仁愛士卒號令不煩師徒鄉之史李將軍傳李陵得人之死力西漢本傳蓋寬饒為衛司馬躬撫士卒及交代衛士數千人願自留一年報寬饒厚德前漢本傳軍士皆言願屬大樹將軍後漢馮異傳謝尚為建武將軍始到官

郡府以布四十匹為尚造烏布帳尚壞之以為軍士襦褲晉書北齊斛律光為大將軍卒中蠱親嘗其吐三軍感之三國李抱真曰朔方將士思子儀如子弟之思父兄通鑑宗上謂郭子儀曰聞朔方將士思公如枯旱之望雨同上郭

子儀如邠州僕固懷恩之衆數萬悉歸之或鼓舞涕泣喜其來而悲其晚也同上李晟善於撫御與士卒同甘苦人樂從之通鑑唐紀烏重胤死軍士皆割股肉以祭重胤唐書
傳記越王勾踐伐吳客有獻醇酒一器王使人注上流使士卒飲下流味不加喙而戰自五也異日又獻一囊糧者者王又使以賜軍士分而食之甘不踰嗑而戰自十也列傳軍不舉火將亦不食六韜良將之養士也不易於身故能使三軍為一心三略軍井未達將不言渴軍竈未炊將不言飢軍幕未辦將不言倦冬不服裘夏不操扇是謂禮也同上為將冬日不衣裘夏日不操扇天雨不張蓋呂氏春秋
集頭得受號令者以億計文選

從軍

經伯也執殳為王前驅詩伯兮

子甲冑生蟣淮南子道應訓

史居戲下無所知名韓信李廣以良家子從軍史本尺籍

伍符史馬鞬蓋生蟣介冑被沾汗兩漢揚甲冑生

蟣蠶弓弩不得弛東漢朱一介鷹犬効力戎行後周

集鋒鏑縱橫魏都朝食不免冑夕息常負戈陸機從名編

壯士籍不得中顧私選華林邊郡未和負羽從軍選別旦

聞羽檄飛夕見邊驛奔劉義從軍古云樂談笑清油幕韓

用進士從軍同上各拋筆硯誇旄鉞莫遣文星讓將星

劉賓客集結髮從軍李詩

諳練

史自漢擊匈奴廣未嘗不在其中史李廣傳李廣曰廣結髮與

匈奴大小七十餘戰史本向寵曉物軍事諸葛亮出師表胡奮少
練軍事晉起居注斛律金行兵用匈奴法望塵知馬步多少嗅
地知軍度遠近通監梁高祖唐宋璟練習邊事通監唐武后紀李晟曰吾
生長西陲備諳虜情通鑑唐紀劉南金練習軍旅同上唐
集又在軍門悉知邊事白集結髮從軍擁旌為將李鳳
精戎韜素習軍旅唐文粹

休兵

經歸馬于華山之陽放牛于桃林之野書武成載戢干戈載
橐弓矢詩時馬散之華山之陽而弗復乘牛散之桃林之
野而弗復服倒載干戈包之以虎皮將帥之士使為諸侯
名之曰建橐然後天下知武王之不復用兵也散軍而郊射而
貫革之射息也裨冕搢笏而虎賁之士說劍也記樂記

子鑄劍戟為農器家語致思篇定三革偃五兵荀子

史止戈為武左宣十二年按甲休兵西漢戢弓矢而散馬牛光武

橐弓卧鼓後漢偃武息戈東漢投戈講藝息馬論道後漢樊戴

白不見兵革武功立而干戈戢威械藏而俎豆布同上馬

集洗兵海島刷馬江洲振旅鞫鞫反旆悠悠選按甲養威

以就卷選休兵歸馬卷旗卧鼓晉穆帝哀策文寢黑山之析包青

青海無傳箭天山早挂弓同上皇帝在宥天下鑄五兵為農

器栖萬姓於壽域獨孤文

凱旋

本朝羌兵自此無傳箭漢甲如今不解纍介甫

○執訊獲醜薄言旋歸詩出王師大獻則令奏凱樂周禮大司馬
樂若師有功則左執律右秉鉞以先愷樂獻于社周禮大司馬
○晉文公敗楚於城濮振旅凱以入于晉獻俘授馘飲至
大賞左傳公二十八年

叙謝

○折衝分閫媿非式遏之才榮耀自天猥辱專征之賜和
文觸刃突鋒未為效節膏原潤草豈足酬恩柳文

死事

○邦饗孤子孤子者死王事者之以其財養死政之老與
其孤周禮司門

○齊侯伐晉夷儀敝無存先登求自門出死於雷留下齊侯

謂夷儀人曰得敝無存者以五家免乃得其尸公三祔之
與之犀軒與直蓋而先歸之坐引者以師哭之親推之三
左定公為與其嬖僮汪錡乘皆殞孔子曰能執干戈以衛
社稷可無殤也左哀十齊師將與陳成子屬孤子三日朝
禹會死事者之子設乘車兩馬繫五邑焉召顏涿聚之子
晉曰隰之役而父死焉今君命女以是邑也服車而朝無
廢前勞左哀三取從軍死者之子養羽林官教以五兵號
曰羽林孤兒少壯令從軍前漢宣紀

哀挽

○身與煙消名與風興選陸士無由覩雄略大樹日蕭蕭
耕落梅笛怨細柳營空猶嘶戰馬永挂長弓劉長前軍落
大星白樂天

木蘭將星飛墜漢番驚森森氣與秦山在奄奄魂隨隴水
傾塞路蕭蕭悲部曲海天風雨濕銘旌堪嘆未勒燕然石
遽失連雲萬里城參寥子詩屢試干將羌破膽忽摧梁木士沾
巾同上

記纂淵海卷第一百八十二

佛

漢驃騎將軍去病出隴西過焉耆山得休屠王祭天金人顏師古曰今佛像是其遺法也西初帝聞西域有神其名曰佛因遣使之天竺求其道得其書及沙門以來其書大抵以虛無為宗貴慈悲不殺以為人死精神不滅隨復受形生時所行善惡皆有報應故所貴修練精神以至為佛善為宏闊勝大之言以勸誘愚俗精於其道號曰沙門於是中國始傳其術圖其形像而王公貴人獨楚王英最先好之通鑑漢專尚釋氏遠近承風無不事佛梁高客問三教李士謙曰佛日也比史魏隋初民間佛書多於六經

數十百倍通鑑功德使上言鳳翔法門寺塔有佛指骨相傳三十年一開開則歲豐人安上遣中使帥僧眾迎之唐憲宗元年

傳記浮屠佛也佛者漢言覺也將以覺悟群生也沙門漢言息也蓋息去欲而歸于無為也表宏

集相貌既闕眸容已安選金姿寶相永藉安閑狀佛法入中國爾來六百年庶民逃賦役高士著幽禪韓文佛之道

轉惑見為真智即群迷為正覺捨大闇為光明軒文西國無有三惡八難人無有十纏九惱佛文信士圖為佛像法相甚真

浮圖事神而語大 金仙氏之道蓋本於孝敬而後積以眾德歸於空無其敷演教戒於中國者離

為異門曰禪曰法曰律以誘掖於迷濁並同仲尼之有十哲猶如來之有十大弟子即迦葉阿難須菩提舍利佛迦

旃延目乾連阿那律優婆離羅睺羅是也白傳是法平等

故所至為淨土是身應供故隨念如降生劉賓客清淨不染

花中蓮捧持世界百億千同眸容瑞相同三十二相具八

十一種好備歐陽行金蓮捧足寶珠垂髻王建集

金仙氏之教有自來矣天毒之國實紀于山經竺乾

之師嘗聞于柱史西京名將得休屠天祭之人東漢諸王

為蒲塞桑門之饌揚文公廬州記佛晦靈迹遺骨舍利應現

無方佛之靈骨金剛不朽劫火不燒金剛之骨實育擊以

千鈞之力終莫能毀類要吳孫權時僧會所言

僧

史初帝聞西域有神其名曰佛遣使之天竺求其道得其書及沙門以來其書善為宏闊勝大之言精於其道者號

沙門通鑑漢紀趙主石勒以天竺僧佛圖澄預言成敗數有

驗敬事之及虎即位奉之尤謹衣以綾錦乘以雕輦朝會

之日太子諸公扶翼上殿主者唱大和尚眾坐皆起使司

空李農旦夕問起居太子諸公五日一朝國人化之率多

事佛澄之所在無敢向其方面涕唾者爭造寺廟削髮出

家通鑑晉成紀秦王興以鳩摩羅什為國師奉之如神親帥群

臣及沙門聽羅什講佛經三百餘卷大營寺塔沙門坐禪

者嘗以千數公卿以下皆奉佛由是州郡化之事佛者十

室而九晉安紀帝以惠琳道人善談論因與議朝廷大事遂

參權要賓客輻湊門車嘗有數十兩四方贈賂相係方筵

七八座上常滿琳著高屐披貂裘置通呈書佐會稽孔覲

嘗詣之遇賓客填咽暄涼而已覬慨然曰遂有黑衣宰相

可謂冠履失所矣通鑑南史時佛教盛於洛陽中國沙門

未高通鑑南史時佛教盛於洛陽中國沙門

之外自西域來者三千餘人通鑑梁武帝天監八年魏自正光以後

僧尼至二百萬人通鑑梁高祖閩王延鈞度民二萬為僧由是

閩中多僧唐明宗紀敕天下寺院非敕額者悉廢之禁私度僧

尼是歲天下見僧四萬二千四百四十四周世宗顯德二年

僧記晉道安受業於佛圖澄澄姓帛氏以師莫過於佛遂

以釋為姓類說四姓為沙門皆稱釋種增一阿含經沙門有三

坐禪為上輩誦經為中輩助眾為下輩無為經僧曰苾芻本

是草名有五義一生不背日二冬夏常青三體性柔軟四

香氣遠騰五引蔓旁布為佛弟子理亦宜然其精至者號

為沙門經百尺竿頭須進步十方世界是全身傳燈錄後

漢明帝遣蔡愔等天竺訪僧見摩騰乃要還漢地此中國

有僧之始僧史略曰明帝聽陽城侯劉峻等出家此又中

國人為僧之始事物紀原

集法輪明智日慧海度慈航梁昭明太子詩戒珠靡缺忍鎧無違

智燈含影慧駕馳騑梁簡文帝詩慧日低輪下禪枝而返照法雲

凝蓋浮定水以涵光王駱賓王詩燒葉成香早得熏脩之漸拂花

為供都忘染著之疑崔融懷素律師碑擯俗捨家投簪落采衣屏

繒續食惟菰麥詞惟有摩尼珠可照濁水源杜戒珠如水

獨潔麒麟之行法寶如山普聞獅子之吼蘇公集梵旅時出

寺杜禪師都未知名姓始覺空門氣味長上願將功德水

從此灌塵機孟浩然法雨晴飛去天花晝下來上百千萬劫

菩提種八十三年功德林三十八歲若不秉持僧行苦將何得

苔佛恩深慈悲不瞬諸天眼清淨無塵幾地心每歲八閔

蒙九度懺殷勤一戒重千金白集以無為為心地以不二

為法門 口藏宣傳十二部心臺照耀百千燈 以真如

不二之宗助清淨得一之化 蓮花法藏心懸悟具葉經

文乎自書蓄為道粹揭作僧豪 道場半夜香花冷猶在

佛前禮佛名並同錫杖隨緣草廬入定行止依頭陀之法

住持遠聲利之嫌裴休元講法則金蓮冬敷頓錫則靈泉

湧溢李華碑晉宋尚法故為碑者多法梁尚禪故碑多禪

法不周施禪大不行而律存焉故近世碑多律柳文道源

生知善根宿深嗜法語忘甘露之味 脩最上乘解第

一義無體空折色之跡而造乎真源通假有借無之名而

入於實相並同燈前便是觀心處元微心超幾地行無處

雲到何天住有期頓見佛光身上出已蒙衣內綴摩尼同

八部天人入道場劉賓客慕道遵壞削之儀同同翻具葉文

判長遠兵迴飛錫空門卧白山僧獨在山中老惟有寒松

見少年 作梵連松韻焚香入桂叢惟將舊瓶鉢却寄白

雲中 花間午時飯雲外青山鍾 蒲腹萬餘卷息機三

記百之三

四

十年 身隨散履經殘雪手綻寒衣入舊山獨向清溪依

樹下空留白日在人間 老鶴無衰貌寒松有本心並同

祇恐為僧心不了為僧得了盡輸僧杜荀鶴童子為僧今白

首暗鋤心地種閑情時將舊袖添新線披坐披行過一生

同韓愈貶潮州浮圖之歡士快獨師憤起求序以資適潮

不顧險毒皇甫自翻具葉偈人施福田衣姚少上人從儒

至道從道至釋如歷星月以得白日若棄扇翠而洒清風

歐陽寂爾方丈內瑩然虛白間千燈知慧心片玉清羸顏

上登滿足地超究竟天王建法向空林說心隨寶地平王欲

結三天社初降十地魔晦詩周心出事非外跡辭榮辱中

禪心空已寂世路任為歧到院客長見閉關人不知寺喧

聽講絕厨遠送齋遲並同水月通禪觀魚龍聽梵聲詩起

獨樹月中鶴孤舟雲外人榮華長指幼衰病久觀身張承

吉

師步有雲隨師情惟鶴知方推讀書龍王宮裏書劉禹錫美

師了達無牽速竹徑生苔晝掩門方推佛不遠人即心而

證法無所着觸境皆知權載雖然到城郭衣上不棲塵孟東

野駕橫海之大航極迷塗於彼岸唐文粹闡律藏而日月光

明騁辯才而龍象蹴踏同上千峯明一燈愛僧不愛紫衣僧

舞一瓶一鉢垂垂老唐僧貫空門氣味長同上

本朝清譽落人間臨川如不動山如常撞鍾如一水月如萬

竅風東坡領袖萬僧同上開不二門設無盡藏同上道價喧宇宙

山陳後人皆趨世出世者誰人皆遺世世誰為之爰有大處

此兩間非濁非清非律非禪東坡集心開寶月婣娟處身寄

浮雲出沒間樂城集休夏中餅誰與共迎秋水石不勝閑師

始以法教人叩之必鳴如千石鍾來不失時故人皆以辯

名之及其退居此山閉門燕坐寂默曰葉落終根榮如冬

枯木風止波定如古澗水故人以訥明之並同彼有釋氏

子願力何堅固蔬食十四春蓮經一萬卷戶庭未嘗出唇

齒欲爛腐迹來功行滿漸覺休處關詠遠公初渡江道譽

藹東晉參寥子詩

講說

史秦王興以鳩摩羅什為師國親帥群臣及沙門聽羅什

講佛經又命羅什翻釋經論三百餘卷通鑑晉安帝紀非法座講

大覺凡在瞻聽塵蔽俱開梁武天監八年支道林許椽共在會稽

支為法師許為都講支通一義四座莫不厭心許送一難

衆人莫不抃舞世說

傳記以智慧刀裂煩惱金光明經以智慧劍破煩惱維摩經聽

聞妙法如飲甘露 本淨禪師曰若欲求佛即心是佛若

欲會道無心是道錄傳燈

集能令梵志達亦使群魔驚梁元帝講詩以智慧火燒煩惱薪

陳徐陵長干寺碑仗智慧劍破煩惱軍盧藏用說法動海岳遊方化

公卿微言注百川亶亶信可聽一風鼓群有萬籟各自鳴

李黃金獅子承高座白玉塵尾談重玄上同登法堂居講坐

緇素觀聽天龍圍繞搖塵尾而析理風生弄象鼻而吐辭

河注震雷霆之法鼓聾俗知驚整日月之慈煙幽途識曉

崔法堆碑扶開生育眼擺去煩惱塵燭以智惠日灑之甘露津

千界一時度萬劫無與隣白傳集口藏宣傳十二部上同開善

誘之門施方便之力白拯苦海之沈溺救火宅之燒焚

啓覺路之緘滕發空門之局鑄上並同高筵談柄一麾拂講

下聽徒如醉醒劉賓客十方傳句偈八部會壇場外道邪

山千萬重真言一發盡摧峯上並同講席邀談柄孟浩然詩後至

無地無由聽韓文華山詩觀一雨普沾於衆緣萬籟各吹

於本分張說晉遠法師作念佛三昧詠大勸于時其後天

台顛大師著淨土十疑論弘宣其教周蜜微妙迷者咸賴

焉林文龍由其內者聞大師之言律義莫不震動悼懼如

聽誓命由其外者聞大師之稱道要莫不悽欷欣踴如獲

赦宥上同釋第一義開不二門王維集談雲漸入微杜荀鶴

本朝法師說法臨泗水無數天花隨塵尾坡詩揮塵空山亂

石聽上同

記纂淵海卷第一百八十四

釋部之二

戒律

傳記精進持淨戒猶如護明珠法華經受諸飲食當如服藥

勿生增減如蜂採花但取其味不損色香戒經律師持戒

自縛錄傳燈

集閑邪以律謝靈運作守律護戒燕公集戒月如珠獨潔麒麟

麟之行燕公集究律嚴持範之軌峻僧法進止之儀碑戒

得長天秋月明心如出上青蓮色李太白得徑入大道乘此

不退轉白侍恩授捨骨肉飲食斷腥膻上同八戒堅持用戒

脩心怕未及超於解脫且當攝於威儀上同脩整觀行尊嚴

法當以儀範于後學者以為持律之宗焉柳鳴呼無得而

脩故為實相不取於法故律為大乘壞衣不飾掃食不味

覆薦取後凡出於生物者擗而勿用不自知其慈攝取

調御凡歸於正真者動而成群不自知其教萬行方厲一

性恒如柳儒以禮立仁義無之則壞佛以律持定慧去之

則喪故離禮於仁義者不可與言儒異律于定慧者不可

與言佛上同非獨心長淨衣無一點塵姚小天與出家腸一

食齋不飢上同既飽香積飯不醉聲聞酒建王年到白頭日行

如新戒時飛方雄

本朝寒守三衣法飢傳一鉢歌臨川

禪定

史秦王興大營塔寺沙門坐禪者常以千數通鑑魏主

建鹿野浮圖於苑中之西山與禪僧居之通鑑

集攝亂以定謝靈運作燈影照無睡心清問妙香杜身猶

轉禪寂禪龕只是和苔蘚滿膝鞋鶴我心無我亦無

君元微禪僧偶向花前定蒲樹狂風滿樹花蓮心舊是

無波水莫逐狂風起浪心上並月苦海不能漂劫火不能焚

柏樂乘不退之輪證無生之觀帕密行傳人少禪心對虎

閑劉長光明徧照智見獨存王維禪房空掩白雲飛劉文禪

心三界外宴坐天地中韃東趺坐蒼苔前日焚香竹下烟王建

老僧齋罷閉門睡不管波濤四面生羅久披山衲壞孤坐石

牀寒文苑英華百始覺禪門氣味長杜牧

本朝老僧獨得無生樂終日焚香坐結跏歐公遽遽未必

都非夢了了方知不落空坡靜故了群動空故納萬境上

僧定端居不記年樂成蒲團布袖一藤床心地虛明睡自

亡同莫怪道人口掛壁桃花燕子自能禪詩

記百八十四

參請

傳記洞山雲這裏合不得一轉語有一上座語九十六轉不

慳師意傳灯百千法門內歸方寸河沙妙德總在心源

守清禪寺有僧問末後一句師曰塵世人自老天際月

常明問如何是和向家風曰一餅兼一鉢到處是生涯

問佛法大意曰擾擾匆匆是長雞暮鐘上並同

集四時長者頻來白雲之溪三月蒲輪屢問梧桐之水信

碑翼亮緇徒發揮元極陳子彫談金奧旨妙辨漱玄津賈

王吾師雨花外耕欲離煩惱三千界不在禪門八萬條元

之遍將死苦救人問今因為說無生死上並同所示廣大

深迥非造次可諭韓文與由其內者聞大師之言律義莫

不震動掉懼如聽誓命由其外者聞大師之稱道要莫

不悽歎欣踊如獲救宥柳文傳佛與心 元臣碩老稽首受

教髮童齒毀鬢躍執獲並同一言頓悟不踐初地五師相承

授以寶器劉賓客以智月開瞽法鼓破龍耳韓詩以心傳心天

地不知唐將防文問者廓然自得佛味盧肇所至之邦被蒙法味

權載凡一燈所傳一兩所潤入法界者不可勝書上同

本朝却為叅禪買得癡贈彈指未終千偈了披為公分作

無盡燈照破十方昏闇鎖 嶢嶢玉為骨凜凜霜入齒

法師自有衣中珠不用辛苦泥沙底 萬象入我摩尼珠

機鋒不可觸千偈如翻本 慧師為作鐵門限準備人

間請話人並同

修行

傳記晉沙門惠遠於廬山集一時名士高僧會於般若台臺

精舍立誓同修行淨俱為佛國之遊本傳廬山記云

集造十纏之繫手縛祛五惑之塵津江摠室空無侍者巾屨

唯挂壁一飯不顧餘跣趺便終柳文四祖數十年中協不

至席圭峯禪註

起悟

傳記虛幻非實身喻芭蕉之形明徹無取心學琉璃之地

怕起六塵之境獨步迦維會一乘之旨隨機化物聖教五

蘊皆空諸漏已盡高僧手提諸佛直指本來面目諸方尊

宿無能出其右鐸傳永嘉玄覽禪師初謁六祖問答相契

便欲辭去祖留一宿時謂一宿覺上同

集遂揭無生之筌將遺有漏之句顯潔道行受蓮花經經

極翻三心不滅不二形妄緣盡歸真化真陳子湛心觀心

了然見性李邕四禪合真如一切是虛假孟若傳千燈於智種

了萬法於真空李翱掃盡天獨光朗謝垢氣李翱已窮

佛根源韓文外形骸以理自勝不為事物侵亂韓文生而

未始來歿而未始往柳文脩最上乘解第一義無躰空物色之

迹而造乎真源通假有借無之名而入於實相永州脫去穢

累超詣覺路同性真悟幻泡行潔離塵滓伯侍心中眼觀

心外相 只有解脫門能度哀苦厄 以無相為心地以

不二為法門 契心則離於文字得意則假於筌蹄

悟本生不滅之意證心地無相之宗 投有漏之身超無

量之法並同心臺照耀百千灯日贈宗密一悟寂為樂此

生閑有餘王維五蘊本空六塵非有於多劫來植衆德本

於般若力坐菩提家 心主自在萬有皆如頂法真空

一乘不立並同中止水外浮雲權載嘗欲點律美遺名

記百八十四

四

聲不使塵機世想滑昏靈府日情起五濁志悟三明劉禹

求法不二解空第一達無量義轉不退輪李嶠我生無滅

隨世因緣李華萬緣盡空一切不動李適之禪光陰難駐

跡如客晦許用心火自生還自滅元微因知萬法幻盡與浮雲

齊劉文悟色身無染觀空事不爭道心長曰笑覺路幾年

行張承見性覺輕繁姚小師經非紙上師佛在心中姚少

監會理却無我觀空歐有形野孟東行高識遠超悟韓達文唐

粹從見在自身盡未來際日百丈得大用黃蘗得大機鍾真

空洞然熱惱頓盡水其性雲其身段陽行周

本朝浮雲掃盡但掛孤月謝古佛既手提諸方比自席卷

如虫得羽化已脫安用蚤上其正法服超然無累於

物城

定力

傳記 晉惠遠居廬阜三十餘年影不出山跡不入俗每送

客嘗以虎溪為界高僧傳廬山記昔遠師過此虎溪為名焉

家釋氏要穩披雲袖坐藤床鶴前

集隆安六年桓温遣書於惠遠令致敬王者惠遠答書論

不可致之意又言袈裟非朝廷之服鉢盂非廟廊之器軍

國非沙門之像遂著沙門不敬王者論五篇惠遠三濁四

不能渝其實崔融律雙馬不踐居士之門六根不染欲

界之塵律師銘及作八風吹不動寒山子詩

本傳 禪心已作沾泥絮不逐春風上下狂詩話參寥詩

自負

史釋道安曰彌天釋道安 晉書

傳記 晉沙門釋道安自號彌天模楷三寶晉惠遠既入道常

以大法為己任法山志

僧補朝官

史廬陵王義真欲以惠林為西豫州都督通鑑宋文帝元嘉元年帝以

惠琳善談論與議朝廷大事遂忝權要賓客輻湊孔顛白

遂有黑衣宰相可謂冠屨失所同上

傳記 隋文帝以沙門彥琮為翻經館學士後始命僧官

紀事物原

僧贈謚

史興善寺胡僧不空卒贈開府儀同三司司空謚曰大辨

正廣智不空三歲和尚通鑑唐代宗大曆十年

傳記 魏後太祖時僧法果卒贈老壽將軍謚趙胡灵公此

僧賜謚之始也紀事物原

僧賜紫

史大唐三年僧惠崇賜紫袈裟宋僧錄

傳記僧史略曰則天朝僧法朗等賜紫袈裟僧之賜紫自

天后始紀事物原

集愛僧不愛紫衣僧鄭公詩

論法

集大千入毫髮李太白說十善法為小乘說四諦法為中乘

說十二因緣法為大乘白居士師書未悟病時須去病知

已空後更依空白戒生定定生惠惠生八萬四千法門

上同百千間法成象羅垢憶萬同會俱證無生李華浮圖

詩百八十四

六

之教貴空空生普普生慈不求報施之謂空不擇善惡之

謂普不遂困窮之謂慈劉賓客其道以無為為有以空洞為

實以廣大不蕩為歸柳文性海吾鄉也法界吾宇也戒為

之備惠為之戶以守則固以居則安動無不虛靜無不

為生而未始來歿而未始往也同上度門之教根於空寂

因修以取證階有以及無不踐精深之習而悟虛無之理

者未之有也權載桑門之患有二焉未得之患為外見所

雜既得之患為內見所縛十二因緣之中生死循環憂

悲蘊聚非大聖以利刃斷之慈航濟之則淪胥顛沒之中

給矣同上積苦為海與平足見溺積邪為山與平足見礙

本傳震雷震足之法鼓鼙耳俗不驚驚整日月之慈燈幽途識曉

類要笑謂西來意雖空亦不空臨川萬事都從劫火燒同上

童子畫沙已具佛智維摩無語猶涉二門東坡若造法

界本造於心則雖凡大皆具此理 外道壞法如刀截空壞
者既妄護者亦空 論道之大小雖至於大菩薩其視如
來猶若天淵然及其以無所故而得則承蠅意鉤踐瓦画
墁未有不與如來者同也 爾以捨來我以慈受各獲其
心寶訓誰有 室空無有獨設一榻空毗耶城奔走竭感
二士共談心說妙法彈指千指竿無所說有言比皆幻無起
不滅問我何為鑊冰雕雪 佛以一口而說千法千佛
千口則為幾說我法不然非千非一如百千燈共照一
室各雖徧滿不相繁雜 世人視身如金玉不旋踵為糞
土至人反是予以是知一切法以愛故常壞以捨故常在
學子者以成佛為難乎累上書沙童子戲也皆足以成佛
以為易乎受記得道如菩薩大弟子皆不任問疾是義安
在方其迷亂顛倒流浪苦海之中一念正真萬法皆具
及其塵苦海為山九仞之後毫釐差失子却不復 竹中
一滴曹溪水漲走西江十八灘 未能轉佛千日從千佛
轉 有主還須有吏賓不如無鏡自無塵並同上

論經

傳記經卷雖小佛口所說續高

律貝葉傳金口聚寶主以正義度無邊以負教垂無

窮莫尊於妙法蓮華經九六萬九千五百言證無生
忍造不二門住不可思議解脫莫極於維摩詰經凡
二萬七千九十二言攝四生九願入無餘涅槃實無
得度者莫先於金剛般若波羅密經凡五千二百八
十七言壞罪集福淨一切惡道莫急於佛頂尊勝陀
羅尼經凡三千三十一言應念順願生極樂土莫疾於

阿彌陀佛經凡一千八百言用正見觀真象莫出於觀音
菩薩經凡六千九百九十言詮自性任本覺莫便於寶相
法密經凡三千一百五言空法塵依佛智莫過於般若波
羅密多心經凡二百五十八言是八種經具十二部合一
十一萬六千八百五十七言三乘之要指萬佛之秘藏盡
矣佛涅槃後世界空虛惟是經與衆生俱設有入書具葉
上藏檀龕中非堅非久如蠟印空假使人刺血為墨剝膚
為帛即壞即滅如筆畫水盡水不若文石印蠟不若字金
其功不朽其義甚深故吾謂石經功德契如來付囑之心
白傳法之至莫尚乎般若經之大莫極乎涅槃集
本朝釋迦以文教譯于十國必託於儒之能言者然後
傳遠故大乘諸經至楞嚴則委曲精盡勝好獨出者以
房駟筆授故也集

說部八十四

僧寺

史後趙石勒奉佛國人爭造寺通鑑九卷時佛教盛於洛陽
中國沙門之外自西域來者三千餘人魏主別為之立承明
寺千餘間以處之北及延昌州郡各有一萬三千餘寺梁武帝
監魏世宗作瑤光寺胡太后又作永寧寺皆在宮側又
作石窟寺於伊闕口皆極土木之美而永寧光盛佛殿如
太極殿南門如端門僧房千間珠玉錦綉駭人心目自佛
法入中國塔廟之盛未之有也天監十年元魏自正光以後
寺有三萬餘區魏書高祖朝恩奏以所賜庄為章敬寺以資
章敬太后冥福唐代宗大吐突承權領功德使盛修安國
寺奏立聖德碑唐憲宗元王智興以上生日請於泗州置
戒壇度僧尼以資福唐穆宗長祠部奏括天下寺四萬

六百蘭若四萬僧尼二十六萬五百上惡僧耗盡天下欲
去之道士趙歸真等復勸之乃先毀山野蘭若至是敕
上都東都兩街各留二寺每寺留僧三十餘人僧及尼
大乘穆護祿僧皆勒歸俗銅象鐘磬以鑄錢天下所毀
寺四千六百餘區歸俗僧尼二十六萬五百人唐武
帝毀招提蘭若四萬唐懿宗咸敕天下寺院非敕額者悉廢之是歲
三十七日通三年天下寺院存者二千六百九十四廢者三萬三百六十三
後世宗踰三年

傳記尚書御史所止皆曰寺故後代道揚及祠宇皆取其
稱焉應仰風舍俗通鷲國有維摩故宅顯慶中土玄策以笏量
基正有十笏故號方丈室高僧漢明帝於東都門外立
精舍以處攝歷騰竺法蘭即白馬寺也騰始自西域以

記百八十四

九

白馬馱經來初止鴻臚寺遂取寺名初置白馬寺即僧寺之
始也事物紀原東晉何充始捨宅安尼姜尼寺之起也同上

集崇基表刹立禪誦之堂馬蹏寺法鼓琅以振響衆香馥
以楊煙賦天台傍見精舍開長廊飲僧畢然浩野寺垂楊裏

杜野寺殘僧少上方重閣曉百里見秋毫野寺江天
豁杜林蘭若秋風晚更宿招提境金刊青楓外上

窈窕青蓮宇元微寺之殿基與城之樓交錯相輝綉于碧
霄月望之如閬崑間物劉中負躋閣謂金像梵雲叩禪高章

應物山石堯青蓮界同上片雲生半壁萬壑遍千鍾刺長
禪房空掩白雲中同上發地結青茅團二抱空白山花

落幽戶中有忘機客文南岳長老代宗名其居曰
般舟道場同上招提精舍梵宮祇園淨土並寺名臨

松日明金像苔龕龍響木魚鬪空林是旃檀更無雜

樹花惟蒼苔不嗅餘味王建僧居隨處好郭裏雲

山全占寺飛方雄何如一衲塵埃外日日香烟夜夜燈羅

八功德水波動青蓮之池七寶香花光映黃金之地唐

粹蓮花天書浮雲卷貝葉宮香好月停僧披

奉朝青松行盡到山門亂峯深處開方丈已能宴坐老

山中何用聲名傳海上報公疎鐘挾谷響悲梵入樵歌

臨川滿院秋光濃欲滴老僧倚杖青松側只怪高聲

喚不應嗔人踏破蒼苔色僧寶曆武宗會昌五年八

月毀招提蘭若四萬餘區會安元和二年山薛平奏諸

請賜中條山蘭若額為大和等蓋官賜額者為寺私造

者為招提蘭若杜牧杭州南亭記所謂去其山臺野

色四萬所是馬溫公通鑑考異夜涼疑有雨院靜似無僧詩

精廬影方髴類天宮奕城記百八十四

相貌

集老鶴無哀貌劉長卿伏犀插腦高頰顛韓退之哲哲肌骨松

寒玉清行周千燈智慧心片玉清羸顏上道成神氣閑

劉賓客靄然之和登于眉宇得其道者不待言說崔載生

有異表幼無兒戲巖如山立湛如川停舌廣長以覆準

足文理而成字崔載山貌日高古杜牧

戒臘

集臘數等松椿賈浪仙山僧獨在山中老惟寒松見有少年

劉長卿

披剃

史吳夷狄之國祝髮穀梁氏曰祝斷也後趙石虎奉佛國人削髮

出家通鑑九卷魏主親為沙門師賢等五人下髮以師賢

為道人統宋紀祝髮事浮圖書

傳記投簪落髮委命受業唐書

集行行入幽荒既駱從祝髮雜詩莫不道尊壞削之義劉

客西晉已上不許中國削髮石符亂華乃弛厥禁紀事

本朝覆以漸愧之衣落其煩惱之髮見類要上卷

住持

集 緇徒擁膝迦_然居室方丈名聞大千_{劉賓客}方丈了無

塵_{元微}泣法會主僧盟_{白傳集}

本朝 領袖高僧_坡

結夏

傳記 夏時長養之節恐傷折草木踐履生蟲故九十日安

居念道_{荆楚歲時記}四月十五日乃法上禁足之展釋子護

生之日僧尼結夏又謂之結制解夏又謂之解夏_{同上}

本朝 休夏巾餅誰與共_{宋城}

浮屠

史 魏作永寧寺有金像高丈八尺者一如中人者十三像

二為九層浮屠掘地築臺下及黃泉浮屠高九丈上上刹

復高十丈每夜靜鈴鐸聲聞十里_{通鑑梁武帝天監十五年}同泰寺浮

屠炎上曰此魔也宜廣為法事遂起十二層浮屠_{同上中大同元年}

集 半雲躋寶塔時望盡京華坐覺諸天近空香逐落花_{孟浩然}

無憂王之建塔天輒雨花_{法苑珠林}

本朝 魏明帝時於道東造周閣百舍名為官浮屠精舍_魏

高僧傳曰康僧會赤烏十年至建鄴孫權使求舍利既

得之即為造塔晉帝過法更修飾之此蓋中國造塔之始

也_{紀事物原}洛下濟城丹陽會稽並有阿育王塔_{要佛滅後}

鐵輪王一日一夜役鬼神造八萬四千塔_檢

齋供

史楚王英華黃繡白紵贖罪詔還贖以助伊蒲塞桑門之

盛饌通鑑東漢竟陵王子良篤好釋氏招致名僧講論佛

法親為衆僧賦食行水齋武永高力士作寶壽寺鍾成作

齋以度之唐元宗天李太后在封禪寺曰吾嘗於此飯僧

數萬五代晉少帝

集真味惟飴露衆香惟芷蘭文苑英華

師弟子

傳記寶林曰佛未涅槃時告迦葉曰吾清淨法眼以付汝

誼鉢衣法相傳以為符印曹溪已後不聞此事圭峯沙門

釋道安立寺於太行弘贊佛法惠遠往歸之廬山記杜

達磨謂門人道育得吾骨慧可得吾髓傳燈

集解髻傳珠袖衣授寶梁陶隱天佛法律梁侯子而入張

甫得傳燈之旨嚴邱作不弟子人天遍文苑英華二厥徒

烝烝惟大教是膺維憲言是徵溥博恢弘如川之增如雲

之興如嶽之不崩終古其承之柳以心傳心天地不知唐

防學徒百千如水歸海由其門而為天人師者比自脈分焉

劉賓

雲遊

傳記沙門衣鉢隨身譬言如飛鳥長細

集擁錫來遊釋子彌天秀獨步漢南來駱賓其來也

雲凝其去也風休韓文送振錫如飛白玉輕劉賓虛舟不

繫物親化遊江濱 杖錫閑來往無心到處禪同誰識往
來意孤雲長自閑劉長振錫而往其心浩然 載遠鶴
無侶孤心寄太虛錢起 從云孤鶴無留滯定恐煙霞不
夜回方確 去住如雲鶴飄然不可留田開雲與孤鶴何
天不可飛僧貫 九天飛錫四海浮王文席常

緣化捨施

傳太后欲造大像使天下僧尼日出一錢以助其功通鑑
傳記度一人出家勝起寶塔至于梵天廣弘明 為一切人
之檀越律經

集一毛之施律勝因化愚慧力攝慳劉賓不住聲香味觸
法布施故其福德若東南西北方四維上下不可思量矣

本朝尋山百衲衣過海一盃輕法照送

修造

集清淮無波平如席欄柱傾扶半天赤火燒水轉掃地空
突兀便高三百尺影沉潭裏龍驚遁當畫無雲跨虛碧韓
構樓架閣切星漢上伐木輦土柳披山伐木崇構法字則
地得其勝 作精室不命而獻力不可祈而薦化負並同
本朝曾遭劫滅壞今遇勝緣修臨閣浮提國中悉皆歡
喜兜率陀天下如是莊嚴石敏

與士夫交遊

史沙門支遁于時風流貴莫不崇敬以為造微之功足
參諸正始而遁常重超以為一時之雋甚相知賞晉郡

支遁與名士孫綽李光許詢輩築室東土與王羲之同志

宴集於會稽山蘭亭晉白居易致仕與香山僧如滿結香

火社每肩輿往來白衣鳩杖自稱香山居士唐書

傳記晉惠遠見廬峰清淨足以息心始住龍泉精舍刺

史巨伊乃為遠於山東立房殿即東林也絕塵清信之

賓並不期而至彭城劉遺民豫章雷次宗鴈門周續之

新蔡畢穎之南陽宗炳等凡百有二十三人並棄世遺

榮依遠遊止高僧支遁在白馬寺與劉系之等談莊子

逍遙群儒舊學莫不嘆伏高僧竺道生入廬山七年後

止青園寺王弘范秦顏延之並挹敬風猷後之高僧遠

法師送客過虎溪虎輒鳴號昔陶亢亮居栗里山南陸

修齡亦有道之士遠師嘗送二人與語道合不覺過之

因相與大笑今世傳三笑圖廬山謝靈運求入淨社師

以心雜止之范甯在豫章師請入社范不能從廬山記祀主

遠師結白蓮社以書招陶淵明陶曰弟子性嗜酒若許飲

即往矣遠許之遂造焉因勉令入社陶攢眉而去廬山記劉

民遺慕遠公名德欲白首同社廬山記十雷次宗立館東

林僧房之東與遠公同社宗炳入廬山築室與遠公同

社

集潮州有老僧號大顛頗聰明識道理實能外形骸以理

自勝不為事物侵亂自以為難得因與往來及祭神至海

上遂造其廬及來袁州留衣服為別韓文暢喜為文章其

周遊天下凡有行必請於縉紳先生以求詠歌其所志韓

繼文序昔者桑門上首好與賢士大夫遊晉宋以來有道林

追安遠法師休上人其所與遊則謝安石王逸少習鑿齒

謝靈運鮑昭之徒柳潘維大臣文武豪士令縱未始不褻

衣負業往造其門下韓文他時若寫蘭亭會莫盡高僧支

道林

柳宗元作
秘上人詩

本傳白公在廬山與湊滿朗晦四禪師追永遠宗雷之迹

為人外之交

類要上二卷

支道與謝公為山水之遊竺法師

與王文度為死生之約

同上二卷

王羲之在會稽聞支道名

未之信後道還剡王詣道觀其風力謂道曰逍遙可得聞

乎道乃作數千言王遂披襟解帶留連不能已乃請住靈

嘉寺意存相近同浮屠祕演與吾友石曼卿交既久亦能

遺外世俗以節相交二人歡然無所間曼卿隱於酒祕隱

於浮屠皆奇男子也然喜為歌詩以自娛一時賢士皆願

從其遊

歐陽惟嚴
大集序

惟儼學于佛而通儒術非賢士不安交

嘗曰吾不妄交人故能得天下士以此一時賢士多從

其遊

歐陽惟嚴
大集序

辨才老師退居龍井不復出入軾往見

之常出至風篁嶺左右驚曰遠公復過虎溪矣辨才笑曰

杜子美不云乎與子成二老往來亦風流

東坡下才老
師詩前序佛者

惠塵從歐陽公遊三十餘年公當稱之為聰明才智有學

問者尤長於詩

東坡屋上
人詩序

為士大夫崇敬

史沙門支道于時風流勝貴莫不崇敬以為造微之功足

參諸正始

晉郗
超傳

傳記昔謝靈運恃才傲物少所推重一見遠公肅然心服乃

即寺觀翻涅槃經因鑿為臺植白蓮池中名其臺曰翻經

臺因號白蓮社

房山慧遠法師碑謝靈運撰張野序
同

記姚興欽風德遠輸施遣巨玄震主不覺致忝

同前杜
遠法師傳

遠公卒張野為序稱門人

房山
記

集 昂到雙林親慧速唐裴嘗謂速公傳永懷塵外蹤詩然

詩僧

傳記 吳興僧畫字皎然工律詩嘗讀韋蘇州恐體不合乃於舟中作古體數十篇為贖昔平公不稱賞明白寫舊製獻之韋大嗟嘆唐因話錄

集 人言澄觀乃詩一座競吟詩句新韓戰詩無與敵

浩汗橫戈鉅韓文送令縱釋氏之秀者乃善為文潘維

大臣文武豪士有尊行美德建功樹業令縱放而為之

歌頌送全無本於為文身大不及膽送無文暢喜為文

章其周遊天下凡有行必請於縉紳先生以求詠歌其

所志解其裝得所叙詩累百餘篇非至篤好其何能致

多如是耶送文多生修律業外學得詩名張文詩思竹

間得道生松下起錢

本朝 浮屠秘演喜為歌詩以自娛石曼卿尤稱秘演之作

以為雄健有詩人之意歐公秘演惟儼雖學于佛而通佛

術喜為辭章惟儼文閣中用意昂詩筆惟佛者惠僅從

歐陽公遊三十餘年公嘗稱之為聰明才智有學問者尤

長於詩諫坡清言冰玉質壞衲山水紋後山

圓寂

史 佛圖澄卒葬後郭門吏報石季龍云見師携一履西

去季龍發其墓唯見一履與一石趙錄

集 識戒形金異凡死劉賓燈續生前火爐添沒後香起錢

寫留行道影焚却生禪身塔院閑松雪經房鎖隙塵頌

仙寶出山枯龍移水涸昭溫碑殘經窓下依然在劉文寂寐

靈塔涓涓逝水川恒沙劫壞智月常圓李華碑宴坐示寂上

化緣既周趺坐報盡碑僧飛鳥無跡法雷罷震獨孤及律師銘千

載空雲山糖文烈烈英風橫飛西土兩楹亭奠雙樹變色

上海山不是吾歸處即應掃荒率天白居易詩見

本朝佛圖澄欲使人辭石虎曰欲幻之軀化期已及魏類

二十卷昔本無生今亦無滅棘城隱如寒月墮清書心有孤

光留故壘竺然摩尼掃真于土霜顛隱白毫鎖骨

埋青玉皆云似達磨隻履還天竺上後魏二十八祖達

磨端居而逝莖熊耳山起塔於定林寺後三歲魏宋雲

奉使西域迴遇師子葱嶺見手携隻履翻獨述雲間

師曰西天去又謂雲曰汝王已厭世雲聞之芒然別師

東邁暨復命即明帝已登遐矣迨孝莊即位雲具奏其

事帝令啓壙惟空棺一隻革履存焉與朝為之嗟嘆奉詔

取遺履於少林寺供養景德傳

茶毗

集薪盡火滅真息假梁簡文身壞口不壞舌根如紅

蓮白侍梵却坐禪身賈浪

本朝玉髓隨薪盡空留一分香惟空房但聽隨去已滅無

餘薪盡火不留詩

祭挽

集緇素墜心棟梁落構李邕碑紹釋風於西域迴佛日於

東維李白詩和尚師之度世以定以慧為醫藥師救療一切

集傳福智壽膺天下一人靈芝無根霜竹有筠昂身

是假師心是真白傳

本朝欲向橫堂一揮淚翻思月落不離天可正

尼

史大宗崩武氏隨衆感業寺為尼通鑑唐高宗天後五年敕禁私度

僧尼是歲天下尼一萬八千七百五十六後周世宗顯德二年

傳記僧史略曰漢明帝既聽劉峻出家又聽洛陽婦女

阿潘等出家此蓋中國尼之始也事始原

集大明和尚卒弟子尼無染命僧靈嶼為行狀凡莖大浮

圖未嘗有比丘尼主碑事今無傳實來涕淚以求無染

幸氏女世顯貴柳文郭代公愛姬薛氏幼嘗為尼白居易

易詩曰頭青眉眼細十四女沙弥步慵行道困起晚誦

經遲應是仙人子小名仙人子花宮未嫁時長慶集生來未掃

眉身輕禮拜穩心慢記經遲王建集女釋柳文起東晉何充

始捨宅安尼此蓋尼寺之起也事始原

本朝盡出花鈿散寶津雲影鬢齊剪向殘春貝葉乍

翻疑軸錦梵宮音初學誤梁塵後蘇軾艷質成空後湘浦

都無解佩人詩話

詩話

神仙

附

女仙



①貌姑射之山有神人居焉肌膚若冰雪綽約若處子不食五穀吸風飲露乘風御飛龍而遊乎四海之外莊至人大澤焚而不能熱河漢沍而不能寒疾雷破山風振海而不能驚上同至人倚不拔之柱行不閉之塗稟不竭之府學不死之師淮南公孫卿言仙人好樓居上作蜚廉柱館益壽延壽館通監薊子訓與一老翁摩挲銅人語曰適見鑄此已五百歲矣後漢薊子訓傳

②食氣者神明而壽不食者不死而神大戴禮易黃初平丹谿人年十五家使牧羊有道士見其良謹便將至金

華山石室中四十餘年不復念家其兄初起索之不得見後在市有道士善卜乃就占之道士曰金華山中有牧兒是卿弟非耶初起即隨道士尋見兄弟悲喜問羊何在初平曰近在山東初起往視了不見羊但見白石無數還曰無羊初平曰羊在耳但兄自不見便乃俱往初平言此此羊起初是白石皆起成羊數萬頭曰我弟得神通如此吾可學否初平曰唯好道便得初起便弃妻兒留就初平共服松脂伏苓至千日能坐在立亡日中無影有童子之邑後還鄉諸親死亡略盡乃去以方教授南伯逢易姓為赤初起改為曹班初平改為赤松子其後傳服此藥得仙者數十人神仙傳王喬有三同姓名有王子晉王喬有葉令王喬今食肉芝王喬乃蜀中神僊也王氏神仙傳男之高仙曰真人女曰元君太平廣記蓬萊弱水三十萬里非飛僊莫到續仙河

東頂曼都好道去家三年而反曰去時有數僊人將上天

離月數里而止月之旁甚寒悽愴論衡拜請不死之藥於

西王母其妻嫦娥竊之奔月宮託身於月是為蟾蜍論衡

江妃二女皆麗服華裝佩兩明珠遊於江漢之湄逢鄭交

甫交甫不知其神也遂下與言曰願請子之佩二女解佩

以與交甫受而懷之趨去數十步視而懷空無佩顧二女

忽然不見列仙傳毛女字玉姜形體生毛秦始皇宮人也秦

亡入山道士教食松葉遂不飢寒在華陰山中列仙傳西王

母者金母也厥姓緜氏女子之登仙得道者咸隸焉集仙傳

樊夫人者劉綱妻也鬢翠如雲肥潔如雪女仙傳萼綠華者

女仙也上下青衣顏色艷整真誥魯妙典女道士生而好

道入九疑仙去三洞珠囊謝自然女道士入洞庭山無疾而化

有雲鶴之瑞仙去同上女兒者陳市上酒婦也隨仙人居女

几山女仙錄麻姑與王方平降於蔡經家麻姑是好女年十

八九許於頂上作髻餘髮垂之至腰手似鳥爪神仙傳

集飄飄戲九垓選詩冠霞登綵閣解玉飲椒庭集府天

神仙排雲出詩風餐委松宿雲卧忘天行升天飲清岑

之玉醴兮殮沆瀣以為糧張衡思遺世翫道絕粒茹芝孫

天台王喬控鶴以冲天應真飛錫以躡虛尋不死之福

庭同上聞至人之林風齊天地於一指賦嘔吸中和吐故

納新蟬蛻龍變棄俗登仙東方至人無已先天地而御六

氣列仙神化隘宇宙而遺萬物岑文有時驅猛虎虛室使

仙童村雲卧遊八極玉顏已干霜白李朝食雲母散夜吸沆

瀟精白侍仙翁已得道混跡尋巖泉肌膚冰雪瑩衣服雲

霞仙紺髮絲並綴韶容花共妍方瞳點玄漆高步凌飛煙

幾見桑海變莫知龜鶴年所憇九清外所遊五岳巔軒昊

舊為侶松喬難比有浩蕩八溟闊志泰心超然形骸既無

束得喪亦都捐豈識椿菌異那知鵬鷄懸白集吳葛仙翁

步行水上衣履不濕白帖綿日月而不老配日月而長存

同如煙非煙不知處韋應物集綠鬢紫雲裾曳霧雙節飄飄下

仙步日月分明到世間碧雲何處來時路同上中有一人披

霓裳誦經山頂殮霞漿朝入青霄禮玉堂夜掃白雲眠石

床劉長卿解形而遺世乘白雲而上賓唐文粹不踐名利道始

覺塵土腥不味稻梁食始覺神骨清同上妾巫山之女也

朝為行雲暮為行雨宋玉賦上古既無世所未見瓌姿偉態

不可勝讚神女賦婆娑乎人間同上靈姐顧我笑粲然啓玉

齒郭景純詩聘王母於銀臺選思賦

本期金鼎銷紅日丹田老紫芝詩話玉宇清風來處遠仙

家白日靜中長歐公詩衣裳飄飄薄煙霧泊然冲虛眇無營

亦城集至人本無夢其夢本遊仙真人本無睡睡則浮雲煙

詩話先生去後應難老乞與貧儒換骨丹同上

洞府

傳真仙之福庭天帝之下府號曰金庭不死之鄉養真之

靈境也仙傳拾遺王屋小有洞天神仙之府 五臺山道家紫

府洞也東峯有離岳大球西峯有麗農瑤室南峯有洞光

珠樹北峯有玉洞瓊芝中峯有自明之金環光之壁

集雲生梁棟間風出窻戶內郭景純詩山岳神秀玄聖遊化

靈仙密宅孫綽天賦洞門無鎖鑰俗客不曾來韓文有地在

壺中無人知地脉劉賓客勝景不易遇入門神頓清唐文粹

十洲

井序

序曰漢武帝既聞王母說八方巨海之中有祖洲瀛洲玄洲炎洲長洲元洲流洲生洲鳳麟洲聚窟洲等十洲並是人跡所希絕處又知東方朔非世常人是以前延之曲室而親問十洲所在方物之名故書記之方朔云臣嘗隨師之主覆行北至朱陵扶桑之闕溥海冥夜之丘純陽之陵始青之下月宮之間內遊七丘中旋十洲踐赤縣而邀五岳行陂澤而息名山臣自少及今周流六天涉歷八極於是矣未若陵靈之子聽真之官上下九天洞視百方比極鉤陳而并華蓋南翔太丹而棲火夏東之通陽之霞西薄寒空之野日月所不逮星漢所不與其上無復物其下無復底臣之所識如此愧不足以酬廣大

祖洲

祖洲近在東海之中地方五百里去西岸七萬里上有不死之草草形如菰苗長三四尺人死者以草覆之皆當時活也末服之令人長生昔秦始皇苑中多枉死者橫道有鳥如烏狀銜此草覆死人面當起坐而自活也有司聞奏始皇遣使者賚草以問北郭鬼谷先生鬼谷先生云臣聞東海祖洲上有不死之草生瓊田內或名爲養神芝其葉似菰苗叢生一株可活一人始皇於是慨然曰可採得之不乃使徐福發童男童女各三百人率載樓船等入海尋祖洲遂不返福道士也字君房後亦得道

瀛洲

瀛洲在東大海中地方四千里大抵是對會稽郡去西岸七十萬里上生神芝仙草又有高玉石且于文出泉如酒

味名之為玉醴泉飲之數升輒醉令人長生洲上多仙家風俗似吳中山川如中國也

玄洲

玄洲在北海之中戊亥之地地方七千二百里去南岸三十六萬里有玄都仙伯真公所治多丘山又有風山多風氣響雷電對天西北門上多大玄仙官仙官宮室各異饒金石紫芝又是三天所治之處

炎洲

炎洲在南海中地方二千里去北岸九萬里上有風生獸似豹青色大如狸張網取之積薪數車以燒之薪盡而獸不燃灰中而立毛亦不焦斫刺不入打之如皮囊即以鐵

洲海下千石

五

錐鍛其頭數千下乃死而張口向風須臾復活以石上置蒲塞其鼻即死取其腦和黃菊花服之盡十斤得壽五百年又有火林山山中有火光獸大如鼠毛長三四寸或赤或白山可三百里許晦夜常見此山林乃是此獸光照狀如火光相似取其獸毛以緝為布時人號為火浣布也國人衣服之若有垢汙以灰浣之終不潔淨唯以火燒兩食久振擺之其垢自落潔白如雪亦多仙家居處

長洲

長洲一名青丘在南海辰巳之地地方五千里去岸二十萬里上饒山川又多火樹樹乃二千圍者一洲之上專是林木故一名青丘上有仙草靈藥甘露玉英又有風山山常震聲有紫府宮天真仙女遊於此地

玄洲 炎洲 長洲

元洲

元洲在北海中地方三千里去南岸十萬里上有五芝玄澗澗水如蜜漿飲之長生與天地相畢服五芝亦得長生不死上多仙家

流洲

流洲在西海中地方三千里去東岸十九萬里上多山川積石名爲昆吾冶其石成鐵作劍光明洞照如水晶狀割玉如泥亦多仙家

生洲

生洲在東海丑寅之間接蓬萊七十萬里地方二千五百

洲海百十六

六

里去西岸二十三萬里上有仙家數萬天氣安和芝草常生地無寒暑安養萬物亦多山川仙草衆芝一洲之水味如飴酪至良洲者也

鳳麟洲

鳳麟在西海之中地方一千五百里洲四面弱水繞之鴻毛不浮不可越也洲上多鳳麟數萬各各爲群又有山川池澤及神藥百種亦多仙家黃鳳喙及麟角合煎作膠名之爲續弦膠或名連金泥此膠能續弓弩已斷之弦連刀劍斷折之金更以膠連續之處使力士掣之他處乃斷所續之際終無所損也天漢三年帝幸北海祠恒山四月西國王使至獻靈膠四兩及吉光毛裘武帝受以付外庫不知膠裘二物之妙用也以爲西國雖遠而上貢者不奇稽

留使者未遣久之武帝幸華林園射虎而弩弦斷使者從
駕又上膠一分使口濡以續弩弦帝驚曰異物也乃使武
士數人共對掣引終日不脫如未續時其膠色青如碧玉
吉光毛裘黃色蓋神馬之類也裘入水數日不濡入火不
焦帝於是乃悟厚謝使者而遣去又益思方朔之遠見周
穆王時西胡獻昆吾刀及夜光常滿盃刀長一尺盃受三
升刀切玉如泥盃是白玉之精光明照夜冥夕出盃於中
庭以向天比明而水以滿盃中汁甘而香美斯實靈人之
器秦始皇時西胡獻切玉刀無復常滿盃耳如此膠之所
出從鳳麟洲來劍之所出從流洲來並是西海中所有也

聚窟洲

聚窟洲在西海中申未地地方三千里北接崑崙二十六

洲海方二十

七

萬里去東岸二十四萬里上多神仙靈官宮第比門不可
勝數及有獅子辟邪鑿齒天鹿銅頭鐵額之獸洲上有大
山形如人鳥象因名之爲人鳥山專多大樹與楓木相類
而林芳葉香聞數百里此爲返魂樹亦能自作聲如群牛
吼聞之者皆心振神駭伐其木根置於玉釜之中煮取汁
更微火煎如黑錫狀令可丸之名曰驚精香或名之爲震
靈丸或名之爲遠生香或名之爲振檀香或名之爲人鳥
精或名之爲却死香一種六名斯靈物也香氣聞數百里
死者在地聞香氣乃却活不復亡也以香熏死人更加神
驗如此之後延和三年武帝幸安定西胡月支國王遣使
獻香四兩大如雀卵黑如桑椹帝以其非中國所有以付
外庫又獻猛獸一頭形如五六十日犬子似狸而色黃命
國使以呈帝見使者抱之以其羸細禿怪其所貢之非也

問使者曰此物可弄何謂猛獸使者對曰夫威加於百禽
不必計之以大小是以神麟故爲巨象之王鸞鳳必爲
大鵬之宗百足之蟲制於騰亦不在於巨細也臣國去此
三十萬里國有常占東風入律百旬不休青雲千呂連月
不散者當知中國將有好道之君我王固將賤儒墨而貴
道德薄金玉而厚靈物也故搜奇蘊貢神香步天林而請
猛獸乘毳車而濟弱淵策驥足以度飛沙契闊遙途辛苦
蹊路于今已十三年矣香神起妖殘之死疾猛獸却百邪
之魅鬼夫此二物實是養生之要助政平化豈圖陛下反
不知真乎是臣國占風之繆矣今日仰鑒天姿亦乃非有
道之君也眼多視則淫色口多言則犯難身多動則淫賊
心多飾則奢侈未有用此四者而成天下之治也武帝忿
然不平又問使者猛獸何方而伏百禽食噉何物膂力何
取其所生何鄉耶使者曰猛獸所出或出崑崙或生玄圃
或生聚窟或生天露其壽不貲食氣飲露解人言語仁惠
忠恕當其仁也愛護蠢動不犯虎豹以下當其威也一聲
叫發千人伏息牛馬恐駭驚斷絙繫武士奄忽失其勢力
當其神也立興風雲吐漱雨露百邪迸走蛟龍騰蛇附處
于太山之廐役御獅子名曰猛獸蓋神化無常能爲大禽
之宗主乃攫天之元王辟邪之長獸者也靈香雖少斯更
生之神物也疫病災死者能起之乃聞香氣者即活也芳
又特甚故難歇也於是帝使使者令猛獸發聲試聽之使
者乃指獸命發一聲獸舐唇良久忽叫如天大雷聲霹靂
又兩目礮礮交光精氣衝天良久方止帝登時顛蹶掩耳
震動不能自止時衛者虎賁武士俱失仗伏地諸內外牛馬
犬豕之屬皆絕絆離繫放蕩驚駭久許而定帝忌之因以

此獸付上林苑令虎食之於是虎聞來乃相窟積聚如死
虎伏獸入苑徑上虎頭溺虎口去十步已來顧視虎虎輒
閉目帝恨使者言不遜欲收之明日失使者及猛獸所在
遣四出尋討不知所止到後元封元年長安城內病者數
千百亡者大半試取月支神香燒之於城內其死未三日
者皆活芳氣經三月不歇於是信其神物也乃更秘錄香
復一旦又失之檢函封印如初無復香也帝逾時懊恨不
禮待使者益貴方朔之遺語自愧求少君之不懃慙衛卿
之復去向使厚待使者必有所益也

右十洲

滄海島

滄海在北海中地方三千里海四面繞島各五千里水皆

洲海百十六

九

滄色仙人謂之滄海者也島上專是大山積石有名一石象
八石石腦石桂莢流月黃子石膽之輩百餘種皆生於島
服之神仙外別有圓海繞山圓水色正黑謂之溟海無風
而洪波百丈不可得往上有九老丈人九天真主蓋太上
真人之所居唯飛仙能到其處耳

崑崙

一號曰崑陵在西海成地北海之亥地地方一萬里去岸
十三萬里有弱水周回繞匝山東南接積石圃西北接北
戶之室東北臨大活之井西南至承淵之谷此四角大山
寔崑崙之支輔也積石圃南頭是王母宮王母告周穆王
云山去咸陽三十六萬里山高平地三萬六千里上有三
角山方廣萬里形如偃盆下狹上廣故曰崑崙山三角其

一角千辰之輝名曰閻風巔其一角正西名玄圃堂其一
角正東名崑崙宮其一角有積金爲大墉城面方千里城
上安金臺五所玉樓十二所其北戶山承淵山入有墉城
金臺玉樓相映如流精之闕光碧之堂瓊華之室紫翠丹
青景雲燭日朱霞九光西王母之所治也其北海外又有
鐘山在北海之子地隔弱水之北一萬九千里高一萬三
千里上方七千里周旋三萬里自生千芝及神草四十餘
種上有金臺玉闕亦元氣之所舍天帝君治處也鍾山之
南有平邪山北有蛟龍山西有郅草山東有東木山四山
鍾山之枝幹也四山高鍾山三萬里宮城五所如一登四
面山下望見鍾山耳四面山帝君之城域也又仙人出入
道徑自一路從平邪山東南入穴中乃至內長生島中紫
石室宮九老仙都治處仙官數萬衆記之

方丈

洲在東海中心西南東北岸正等方丈面各五千里上寧
是面龍所聚者金玉琉璃之宮三天司命所治之處群仙
若欲昇天者往來此洲受太上玄生籙仙家數十萬瓊田
芝草課計頃畝如種稻狀亦有石泉山有九原丈人宮主
領天下水神及龍蛇巨鯨陰精水獸之輩

扶桑

在東海之東岸一萬里復得碧海廣狹浩汗與合東岸大
碧水既不鹹苦正作碧色甘香味扶桑在碧海之中地方
百里有太上上帝太真王父所治處地多林木葉皆如桑
又有樁子樹長者數千丈徑三千餘圍樹兩兩同根偶生

更相依倚是以名扶桑仙人食其椹一體皆作金色飛翔
玄虛其樹雖大其葉如椹如中夏桑也但椹希而赤九千
歲一生實耳味絕甘香地生紫金九玉如諸夏之瓦石其
仙官變化萬端蓋無所形或有分形爲百身十丈者

蓬丘

蓬萊山是也對東海之東北岸周廻五千里北到鍾山北
阿門外乃天帝君總九天之維貴無比焉山源周回具有
四城其中高山當心有似於崑崙也昔禹治洪水既畢乃
乘躡躡車躡弱水而到此祠上帝於北阿歸大功於九天又
禹經諸五岳使工刻石識其里數高下其字科斗書非漳
人所了今丈尺里數皆禹時書也不但刻廟五岳諸山名
亦然其所刻之處獨高耳東方朔十洲三島記

十大洞天

本朝十大洞天者處大地名山之間是上天遣群仙統治之所雲笈七籤天地宮府圖

第一王屋山天檀峯絕頂高一百二十里洞周回一萬里

名小有清虛之天即杜仲王褒為小有天王清虛真人所理在洛陽河間兩界去王屋縣六十里雲笈云西城王君治之

第二委羽山洞周回一萬里名大有空明之天即司季王

為大有真人所理係台州黃巖縣雲笈云清童君治之

第三西城山高二千丈洞周回三千里名太玄摠真之天

即王方平真人所理在梁州成都府西一千里接西界雲笈云未詳所在登真隱訣云辨終南太一山是屬土

宰王君

第四西玄山高二千七百丈洞周回一千里名三玄極真

之天即裴真人所理係華州入西番界雲笈云忍非人跡所及

第五青城大面山高三千六百丈洞周回二千里名保仙

九室之天即竊真人所理黃帝問道於希夷真君授黃

帝龍躋經之處在蜀州青城縣雲笈云青城丈人治之

第六天台赤城山高一萬八千丈洞周回五百里名上清

玉平之天即桐栢王真人所理葛玄仙翁煉丹得道處

上應台宿故名天台在台州天台縣雲笈云台州唐興

縣屬玄洲仙伯治之

第七羅浮山高三千六百丈洞周回五百里名朱明曜真

之天是蓬萊之一島也堯時洪水浮海而來泊於羅山
二山相合故曰羅浮山即抱朴子葛公煉丹得道處在
惠州博羅縣雲笈云青精先王治之

第八茅山高一千七百丈洞周回一千五百里名金壇華
陽之天洞中有生黃金壇高一百丈紫玉宮室皆上清
真人遊息之境昔名句曲山因茅君煉丹得道故曰茅
山在昇州句容縣雲笈云紫陽真人治之

第九林屋山洞周回四百里名左神幽墟之天一名包山
在太湖水中夏禹治水後藏靈寶五府於此洞中今
在蘇州洞庭湖口雲笈云屬北岳真人治之

第十括蒼山洞周回三百里名成德隱真之天即徐來勤
真人所理在台州仙居縣雲笈云号成德隱玄之洞在
處州樂安縣北海公治子治之

右李思聰洞淵集

三十六小洞天

其次三十六小洞天在諸名山中亦上仙所統治之處
雲笈

第一霍桐山高三千四百丈洞周回三千里名霍林之天
即鄭思遠韓眾許映真人為司命府君所理在福州長
溪縣雲笈云仙人王緝玄治之

第二東岳太山高四千丈洞周回一千里名蓬玄空峒之
天即太昊為青帝治東岳主萬物發生考校死魂鬼神
之所歷代帝王封報功封禪之岳上應婁奎之精下鎮
魯地之分野係在兗州奉符縣雲笈云乾封縣

第三南嶽衡山高四千丈洞周回二千里名朱陵太虛之

天即神農為赤帝治南岳者昔上帝降玉冊寶印賜注
生真君永鎮靈岳即吾皇比壽之山上應翼軫躔衡之
精故云衡山下鎮楚地之分野係在衡州衡山縣

第四西岳華山高七千丈洞周回二千里名太極總仙之

天即少昊為白帝治西岳巨靈神手掌其上足決其下
以通河流救民洪波之難仙掌之形燦然瑩目上應井

鬼之精下鎮秦地之分野係在華州華陰縣李安云與
十真治之

第五北岳恒山高二千九百丈洞周回二千里名太一摠

玄之天即顓頊為黑帝治北岳其名有五一日蘭臺府
二曰列女宮三曰華陽臺四曰紫微臺五曰太一宮上
應畢昴之精下鎮燕地之分野主五穀番熟之司在定

州恒山縣

第六中岳嵩山高七千丈洞周回一千里名上帝司真之

記百八

三

天即聖祖為黃帝治中岳主德分精黃老駐蹕上有仙
人貝多之樹玉女織錦之臺石髓瓊環玉人金像上應
柳星之精下鎮周地之分野在洛京登封縣雲笈云仙
人鄧雲山治之

第七我眉山洞周回三百里名虛靈太妙之天即玉皇真

人所理黃帝曾問道於真人授帝三一之經見傳於世
嚴君平佐理此山係嘉州我眉縣雲笈云名曰虛陵洞

天真人唐覽治之

第八廬山高三千九百丈洞周回一千七百里名仙靈詠

真之天古名天子三嶂山昔周成王時有方輔先生字
君孝跨白駒入山結草為廬舍煉丹得道故曰廬山即
王長二真人所治并趙昇在江州雲笈云名曰洞靈真

太真人周正時治之

第九四明山有二百八十峯洞周回一百八十里名丹山
赤水之天其山有四門上通日月星辰之光故曰四明
秦時驅山塞海鬼神勞役奔入四明洞不出因名鬼藏
山在明州雲笈云在越州上虞縣真人刁道林治之

第十陽明山洞周回三百五十里名極玄太元之山禹穴
藏書處係越州山陰縣雲笈云會稽山洞北鏡湖中仙人郭華治之

第十一太白山洞周回五百里名真德之天是鬼谷子授
蘇秦佐國之術處有祠堂今在長安雲笈云名曰玄德洞天仙人張季連治之

第十二西山洞周回三百里名天寶極真之天即洪崖先生
煉丹得道所又吳真君許真君按宅上昇之處在洪
州新建縣雲笈云真人唐公成治之

第十三大圍山洞周回三百里名好生玄上之天係潭州
澧陵縣雲笈云小為山洞仙人花白林治之

第十四鬮山高七千丈洞周回三百里名天柱司玄之天
此是左慈真人煉丹得道之處即皇朝聖祖九天司命
所理係舒州懷寧縣雲笈云仙人樓丘子治之

第十五鬼谷山洞周回七十里名太元思真之天即正一
真人張天師煉丹得道處在信州貴溪縣雲笈云名貴玄司真天真真人崔文子治之

第十六武夷山洞周回一百二十里名昇化玄真之天山
高三百仞是武夷君所理在建州崇安縣雲笈云真人劉少公治之

第十七王笥山洞高三十里周回一百八十里名太秀法
樂小有之天古名群玉峯昔漢武建壇授上清籙感天

降玉哥因而名之洞中有木郁杏花之塢太秀天王所
治有三十六峰二十四澗即漢九真人杜曇永蕭子雲
煉丹得道上昇處在赤松峯飛仙石養素臺係臨江軍
新淦縣雲笈云真人樂伯鸞治之

第十八華蓋山洞周回四百里名容成太玉之天在温州
永嘉縣雲笈云仙人梁公修治之

第十九蓋竹山洞周回一百八十里名長曜寶元之天即
禹帝鎮此山及葛玄真人所治部先生得道之處係台
州黃巖縣雲笈云仙人商丘子治之

第二十都嶠山洞周回一百八十里名寶玄之天在溶州
普寧縣雲笈云仙人劉根治之

第二十一白石山洞周回七百里名瓊秀長真之天在溶
州雲笈云在和州含山縣白真人治之

第二十二勾漏山洞周回三百里名玉闕寶柱之天即葛
真人煉白丹砂處在溶州北流縣雲笈云仙人葛真人

第二十三九疑山洞周回三千里名朝真太虛之天六九
孔子為太極上真公所理即何侯真人之宅會虞舜分
金液上昇之處在道州延慶縣雲笈云仙人壽真清治

第二十四洞陽山洞周回一百五十里名洞陽隱觀之天
係潭州長沙縣雲笈云劉真人治之

第二十五幕阜山洞周回一百里名洞真太玄之天係岳
州平康縣雲笈云在岳州陳真人治之

第二十六大酉山洞周回百里名大酉華妙之天即堯時
善卷先生宅唐時張果修道處係辰州沅陵縣雲笈云
尹真人治之

第二十七金庭山洞周回三百里名金庭崇妙之天在越

州剡縣雲笈云趙仙伯治之

第二十八麻姑山洞周回一百五十里名丹霞之天即南極王方平真人會麻姑於此蔡經宅井上昇處在建昌軍南城縣雲笈云王真人治之

第二十九仙都山洞周回三百里名玄都祈仙之天即黃帝駕火龍上昇處在處州縉雲縣

第三十青田山洞周回五百里名青田大鶴之天即青牛道士得道處在處州青田縣雲笈云傳真人治之

第三十一鍾山洞周回一百里名朱湖太生之天即馬明先生所理在昇州上元縣雲笈云龔真人治之

第三十二良常山洞周回三十里名良常放命之天在潤州句容縣雲笈云李真人治之

第三十三紫蓋山洞周回八十里名紫玄洞照之天在杭州餘杭縣雲笈云在荆州當陽縣翁真人治之

第三十四天目山洞山有兩目左目高三千丈右目高二千五百丈洞周回一百里名太微玄蓋之天在杭州

第三十五桃源山洞周回七十里名白馬玄光之天秦時有千餘人入洞避難後不出皆得道即黃平瞿真人煉丹上昇處在鼎州武陵縣雲笈云謝真人治之

第三十六金華山高一千丈洞周回五百里名金華洞元之天即黃初平真人遇赤松子叱石為羊得道處在婺州金華縣上應婺星故名金華山雲笈云戴真人治之

右李思聰洞淵集

七十二福地

其次七十二福地在大地名山之間上帝命真人治之其

間多得道之所 雲笈

第一地肺山 在江寧府句容縣界昔陶隱居幽栖之處真人謝允治之

第二蓋竹山 在衢州仙都縣真人施存治之

第三仙磻山 在温州梁城縣十五里近白溪草市真人張重華治之

第四東仙源 在台州黃岩縣屬地仙劉奉林治之

第五西仙源 在台州黃岩縣屬地一百二十里屬地仙張兆期治之

第六南田山 在東海東舟船往來可到屬地劉真人治之

第七玉溜山 在東海近蓬萊島多真仙居之屬地仙許嵩治之

第八青嶼山 在東海之西与扶桑相接真人劉子光治之

第九郁木洞 在玉笥山南是蕭子雲侍郎隱處至今雲雨猶聞絲竹之音往往樵人遇之屬地仙赤曾班主之

第十丹霞洞 在麻姑山是蔡經真人得道之處至今兩夜多聞鍾聲磬聲屬蔡真人治之

第十一君山 在洞庭青草湖中屬地仙侯生所治

第十二大若巖 在温州永嘉縣東一百二十里屬地仙李方回治之

第十三焦源 在建州建陽縣北是尹真人隱處

第十四靈墟 在台州唐興縣北是白雲先生所隱之處

第十五沃州 在越州剡縣南屬真人方明治之

第十六姥岑 在越州剡縣南屬真人魏顯治之

第十七若耶溪 在越州會稽縣屬真人山世遠所治之

第十八金庭山 在廬州巢縣別名紫微山屬馬仙人治之

第十九清遠山 在廣州清遠縣屬陰真人治之

第二十安山 大交州北安期先生隱處屬先生治之

第二十一馬嶺 在郴州郭內水東蘇耽隱處屬真人力牧治之

第二十二雞籠山 在和州歷陽縣屬郭真人治之

第二十二鵝羊山 在潭州長沙縣婁駕先生所隱之處

第二十二洞真墟 在潭州長沙縣西嶽真人韓終所治處

第二十四青玉壇 在南嶽招仙觀西鄧先生所隱之處

第二十五光天壇 在衡嶽西源頭鳳真人所治處

第二十六洞靈源 在南嶽鄧先生所隱之處

第二十七洞宮山 在建州閩隸鎮五嶺里黃山公主之

第二十八陶山 在温州安國縣陶先生曾隱居此

第二十九三皇井 在温州橫陽縣真人鮑察所治之處

第三十爛柯山 在衢州西安縣王質先生所隱之處

七百八十一

第三十一勤溪 在建州建陽縣東是孔子遺硯之所

第三十二龍虎山 在信州貴溪縣張巨君主之

第三十三靈山 在信州上饒縣北墨真人主之

第三十四泉源 在羅浮山中仙人華子期治之

第三十五金精山 在虔州虔化縣仇季子治之

第三十六閣阜山 在吉州新淦縣郭真人所治之處

第三十七始豐山 在洪州豐城縣尹真人所治之處

第三十八逍遙山 在洪州南昌縣徐真人所治之處

第三十九東白源 在洪州新吳縣東劉仙人所治之處

第四十鉢地 在楚州王喬得道之所

第四十一論山 在潤州丹徒縣是真人治之

第四十二毛公壇 在蘇州長沙縣屬莊仙人修道之所

第四十四桐栢山 在惠州桐栢縣屬李仙君所治之處

第四十五平都山 在忠州是陰真君上昇之處

第四十六綠蘿山 在朗州武陵縣接桃源界

第四十七虎溪山 在江州南彭澤縣是五柳先生隱處

第四十八彰龍山 在潭州醴陵縣北屬莊先生治之

第四十九抱福山 在連州連山縣屬范真人所治之處

第五十大面山 在益州成都縣屬仙人栢成子治之處

第五十一元晨山 在江州都昌縣真人安期生治之

第五十二馬蹄山 在饒州鄱陽縣孫真人子州所治之處

第五十三德山 在朗州武陵縣仙人張巨君治之

第五十四高溪藍水山 在雍州藍田縣並太上所遊處

第五十五藍水 在西都藍田縣屬地仙張北期所治之

第五十六玉峯 在西都京兆縣屬仙人栢戶治之

第五十七天柱山 在杭州於潛縣屬地仙王伯元治之

六百十七

九

第五十八商谷山 在商州是四皓仙人隱處

第五十九張公洞 在常州宜興縣真人康桑治之

第六十馬海山 在台州天台山州北季明仙人治之

第六十一長白山 在齊州長山縣是毛人治之

第六十二中條山 在河中府虞鄉縣趙仙人治之

第六十三菱湖魚澄洞 在西古姚州始皇先生曾隱此處

第六十四綿竹山 在漢州綿竹縣瓊華夫人治之

第六十五瀘水 在西梁州仙人安公治之

第六十六甘山 在黔南甯真人治之

第六十七兜山 在漢州赤鬚先生治之

第六十八金城山 在古限戌又云石戌石真人所治之處

第六十九雲山 在邵州武岡縣仙人盧生治之

第七十北邙山 在東都洛陽縣魏真人治之

第七十一廬山 在福州連江縣謝真人治之
第七十二東海山 在海州東二十五里王真人治之

右見雲笈七籤天地宮府圖

蓬壺閬苑海上五岳靈山

廣乘山者天之東岳也在東海之中為五岳發生之首上有碧霞之闕瓊樹寒林紫雀翠鸞碧藕白橘莫可名狀即青帝天君靈威仰統仙官兵吏萬眾鎮此山主歲星之精居九氣青天之內矣

長離山者天之南岳也在南海之中上有朱宮絳闕赤室丹房朱草紅芝霞膏金醴莫可名狀應天下初得道神仙皆詣此宮營形浴質肖陰煉陽為長生久視之道即赤帝天君赤熛怒統領仙官神吏萬眾鎮此山上主熒

記百八十六

惑之精居二氣丹天之內矣

番農山者天之西岳也在西海之中上有白華之闕三素之城玉泉之宮瑤林瑞獸莫可名狀即白帝天君白招拒統領仙官神吏鎮此山主太白之精居七氣素天之內矣

廣野山者天之北岳也在北海弱水之中形如崑崙嶓都羅山合為陰氣之主上多瓊樓寶闕金液龍芝莫可名狀即黑帝天君叶光紀統理仙官神吏鎮此山上主辰星之精居五氣玄天之內矣

崑崙山者天之中岳也在八海之間上當天心形如偃蓋上廣下狹三成而上與天齊日月黃赤二道交會其上三光行焉東曰崑崙西曰玄圃北曰閬苑南積石山大岫山水泉山北戶山四面各一萬里上有瓊華之闕光

碧之堂瑤池翠水即西王母統衆仙居焉海中四岳爲
枝幹十洲四島入海大川圍繞其側絕頂之上有金臺
五所玉樓十二金城千里地生金根之樹瓊柯之林紫
雀翠鸞碧桃白李百寶妙嚴莫可紀述即黃帝天君含
樞紐統領天大聖衆鎮此山皆與五岳名山相連常有
神仙往來考校生籍上主鎮星之精居於中元一氣天
中焉其海外之五岳即天地之五鎮造化之五岳即五
氣之宗祖矣

記纂淵海卷之一百八十八

僊道部之三

道士

女道士

有道士西門君惠李守等云劉秀當為天子後光武嵩

山道士寇謙之脩張道陵之術自言嘗遇老子降命謙之

繼道陵為天師魏主起天師道場重壇五層給道士一百

二十人衣食每月設厨會數千人通鑑宋營客問三教優

劣李謙白道月也北史魏上召天台道士司馬承禎問以

陰陽數術晉宗睿宗崩以上女萬安公主為女官欲以追

福開元二年楊妃乞為女官號太真天寶上受三洞法

錄於衡山道士劉玄靜唐武宗會唐王問道士王栖霞何

道可致太平晉紀天福八年

風局清古集異

風餐委松柏雲卧恣天行選樂府玄真高蹤萬古同德

喘息食妙氣步虛吟真聲道與古先合心將元化并

如芝鍊玉學輕身元少嘸嗽元和津所思煙霞微杜

張道士嵩南之有道者通古今學有文武長材寄跡老子

法中為道士韓丘張院閉青霞入松高老鶴尋猶疑隱形

坐敢起竊挑心尋劉洗粧拭面着冠帔白咽紅頰長眉

真風道骨玄格高情冥鴻孤鶴不可云喻元端之

書出步虛三百韻蕊珠文字在之間元微歲

計芝田熟晨裝月帔寒李義叶潤靈津凝華霄極同上如

未鑿七竅若都遺四肢泊待性靈閑似鶴頰狀古如松

道心精微真學奧秘為仙列上首與儒流爭衡並同得控

嶠之道與汗漫之遊白藉草飯松屑焚香看道書王維

有道者其神則清双眸朗暢四氣和平長江月影太華松

聲同上古木無人地來尋羽客家道書堆玉案仙帔疊青

霞鶴老難知歲松寒未作花山中不可見何處化丹砂劉長

卿羅月延虛步松花醉宴閑同上道士無白髮語音靈泉

清青松多壽色白石常夜明放步霽霞起振衣華風生東

野松骨輕自飛鶴心高不群日下鶴過時人間空落影

同上聞鍊師之名者足以激厲風俗睹煉師之容者足以

脫落氛埃唐文玄標仙骨借真蹈冥鍊影遊化遊心

於千載之表騁思於九流之域水其心雲其身素琴

在右黃庭在左徜徉高空軒裳鍾鼎於我如浮雲大

位遐年在生為逆旅鶴骨松貌並同白髮道心熟黃衣

仙骨輕王建道士寫將行氣法家童授與步虛詞同上泥

竈煮靈液掃壇朝玉真張文食空御日雲賈浪綵雲不散

記百八十八

燒丹竈白鹿時藏種玉田錢起君有出俗志不貪英雄名

傲然脫冠帶改換人間情道士詞馬不踐名利道始覺塵

土腥同上樓觀本記曰周穆王因尹真人草樓之觀召述

人居之謂之道士平王東遷置七人漢明帝永平七年置

三七人晉惠帝度四十九人審此則是自周而有也事物

本朝百尺松梢幾飛步鶴栖枝上禮虛皇詩話

修養

子吹呶呼吸吐故納新熊經鳥申為壽而已矣莊

史沐浴玄德稟仰太和班固華佗曰人體欲得勞動但

不當使極耳動搖則穀氣得消血脉流通病不得生譬猶

戶樞終不朽也古之仙者為導引之事熊經鴟顧引接要

體動諸關節以求難老吾有一術名五禽之戲一曰虎二

曰鹿三曰熊四曰猿五曰鳥

其他傳曰吳普從他學微得
其力魏明帝呼之使為禽獸

普以年老手足不能及粗以
其法語諸醫今將九王真
十耳不聾目不冥牙齒完全
飲食無損東漢本傳

年百歲視之面有光澤似未五十者云周流登五岳名山

悉能行胎息之方嗽舌下泉咽之

後漢本傳

傳記

食氣者常有少容經五符志若流水居若空城經妙真真

人道士常吐納以和六液元太經三斷穀茹芝內昇

集含天地之醇和吸日月之光采稽康琴賦挹以玄玉之水嗽

以華池之漿孫綽天賦化心養精魄隱几習天真時太鍊水

雪之容延金石之壽納沆瀣之精率逍遙之性 緘滕六

志肩鑄百骸 吸新吐故以鍊藏專志積精以專心 鄭

君得自然虛白生心胃吸披沆瀣精疑為冰雪容 飲咽

日月精茹嚼沆瀣芬 栖山卧雲鍊氣絕食滋味不接於

口塵埃不染於心 齋心受錄服氣鍊形暑不流汗冬不

記百八

挾纊膚體顏色冰清玉温未識者望之疑神仙中人也並

怡委氣榮衛和咽津顏色好元徽集萬過黃庭經一食青糧

稻同食栢鍊玉顏植叩爾玄關保其真宅柳齋心已恬

輸澡身自光明沈沈簾幃下藹藹燈燭青四支動用息一

室虛白生收視忘趣捨叩齒集神靈伊子嗜慾寡居常病

恙輕三尸既伏竄九戚乃和平無令耳目勝則使性命傾

窅然深夜中若與元氣并嶠義精神如太陽霍然照清都

四支為琅玕五藏為璠璵顏如芙蓉頂為醍醐天地相終

始浩漫為娛下顧人間溷糞蠅蛆皇甫修行近日形如鶴

導引多時骨似綿王建集骨換肌膚臆心靈氣色真姚少講

論叅同深到底停騰姹女立成銀方雄不味稻梁食始覺

神骨清道士司馬退之詩

本朝服餌既久毛骨清丹顏益少方瞳明 綠髮方瞳瘦

瘦骨輕歐公槁死三彭仇澡換五骨腸清骨凝綠髓丹田
發幽光坡詩丹鼎一九深自秘紫芝三葉却先知栾城

得道

子夫道在太極之先而不為高在太極之下而不為深先
天地生而不為久長於上古而不為老稀韋氏得之以挈
天地伏羲得之以襲氣母維斗得之終古不忒日月得之
終古不息堪坏得之以襲崑崙馮夷得之以遊大川有吾
得之以處太山黃帝得之以登雲天顓頊得之以處玄宮
禹強得之以立乎北極西王母得之坐乎少廣莫知其終
彭祖得之上及有虞下及五伯傳說得之以相武丁奄有
天下乘東維騎箕尾而比於列星莊子大偃其聰明而抱
其太素淮南子體本抱神以遊于天地之樊淮南子

北百八十八

甲

履操夷簡德業冲粹屏奔塵雜栖志虛玄吐故納新食
芝餌木念衆妙於三清之表返華髮於百靈之外道邁前

烈聲高自古唐書知遠傳

集步八閔而為字節四運之常氣魏文帝貫元虛於太素

溥紫微而竦戾陸機澄神元漠流栖心太素域同上頤神

太素道遙方外謝籍恣語樂以終日等寂寞於不言孫綽

賦道風秀世任彦昇夜後不聞龜喘息秋來惟長鶴精神白

山人贈王身輕得道羽化升天白帖鶴骨松貌泉停谷虛高

形人間天地無累與扶桑公陶隱居遙為師友矣唐文

鍊丹

合金丹之大藥鍊八石之氣英尤忌凡俗聞見則仙物
不成抱朴丹砂服之令人飛行長生九丹仙藥之上上

子道

史 寡婦清得丹穴而擅其利 史記 葛洪聞交趾出丹求為

勾漏令 晉書 陶洪景既得神符秘訣以為神丹可成而舌

無藥物帝賜黃金朱砂雌黃等後合飛丹色如霜雪服之

體輕 梁書 高宗時道士劉合還丹成而上之咸身中卒唯

有空皮而背上開折有似蟬蛻 唐書 山人柳泌能合長生

藥詔泌居興唐觀煉藥 通鑑唐 憲宗紀

成王時濮人獻丹砂 周書 仙藥之上者丹砂 神契

拜請不死之藥於西王母妻嫦娥竊以奔月託身於月是

為蟾蜍 張衡 丹砂木精得金乃并 參同契 魏伯陽撰參同契

以周易交象論作丹之意 珠囊 丹砂朱之朴 廣志 服之一

月三虫出 太上元 丹砂外包八石內合金精先稟氣於甲

受氣於丙出胎見壬結魄成庚 太清煉丹砂服火化為黃

銀能輕能神 能黑能白能暗能明一斛入擊力難勝舉

萬斤遇火輕速上騰鬼神尋求莫知所在 青霞子論 馬明生服

丹半劑為地仙展轉百餘年乃白日昇天也 神仙傳 魏伯陽

與弟子三人作丹丹成與犬犬死弟子曰先王可服之而

死二人下山求葬具伯陽即起再以丹納犬及弟子口中

皆起仙去 葛洪神仙傳 變凡為仙丹之力也 太平廣記 身生羽翼飛

行輕舉莫不皆因服丹 孫思邈太清丹經要訣 五靈三使之藥九光

七曜之丹 神仙大丹異名三十四種出世十三種非世

所用二十種 同上

夫交梨火棗者是飛騰之藥也君侯若能剪除荆棘絕

去人我泯是非則二樹生君心中矣亦能開花結實葉茂

枝繁食之一枚則景光萬里 許遠遊書 守丹竈而不顧煉

金鼎而方堅 撰別 方士煉玉液 雜詩 安期鍊五石 同上 詩

遠慙勾漏令不得問丹砂 杜 家事丹砂訣 同上 金丹別後

丹

知傳得乞取刀圭救病身韓文淮南王仙去雞犬舐藥器
以升仙白帖將延金石之壽以煉冰雪之膚吸而蟬蛻
吞則翼生同上與我一丸藥光輝有五色服之四五日身輕
生羽翼同上載應得丹霜餌春來黑髮新王建長生只要
一丸丹同上金丹駐少年姚合洞裏丹砂日採還同上

道士補朝官

史墨敕以鄭普思為秘書監葉靜能為國子祭酒通鑑唐中宗紀
傳史宗玄附太平公主授鴻臚卿朝野僉載唐高宗時葉靜
能入直翰林為國子祭酒事物紀原唐元宗時葉法善授銀青
光祿大夫鴻臚卿尹愔拜諫議大夫同上

觀宇

洞神方

六一

史公孫卿言仙人好樓居上作蜚廉桂館益壽延壽館通鑑
漢魏主起天師道場寇謙之重壇五層同上宋詔山人柳泌

居興唐觀煉藥唐書宗紀

傳列真之字白帖列仙游館同上周穆王尚神仙召尹

軌杜仲居終南山尹真人草樓所因號樓觀蓋道觀之初

也隋煬帝改為玄壇後復曰觀事物紀原

集精廬陳伯玉集基聲花院閉幡影石壇高司空圖詩

道士授封

傳後周武帝時衛元嵩封蜀郡公事物紀原

唐元宗時葉法善封越國公事物紀原

道士賜紫

道士補朝官 觀宇 道士授

傳記唐中宗神龍初加葉靜能金紫之階未頒紫衣事原朝野僉載曰史崇玄附太平公主衣紫羅裙帔 唐代宗時李泌乞為道士賜紫衣道士賜紫自李泌始並同上

道士賜諡

傳記後漢張道陵有天師之稱 梁陶洪景死賜諡正白先生元魏世祖賜寇謙之天師之號 唐王知遠贈昇玄先生並事物紀原唐玄宗賜李含光曰玄靜先生並事物紀原

道術

子左慈以氣禁水水為逆流一二丈禁水着中庭露之大寒不冰抱朴子

史王喬有神術為葉縣令每月晦望自縣詣臺朝帝怪其

洞海方十八

來數而不見車騎密令太史伺望之言其臨至輒有雙鳧從東南飛來於是候至舉羅張之但得一隻焉乃詔尚方詆視則四年中所賜尚書官屬履也當朝時葉門下鼓不擊自鳴聞於京師東漢王喬傳道士趙炳以氣禁人人不能起禁虎虎伏地低頭閉目便可執縛以大釘釘柱入尺許以氣吹之便可躍出射去如弩箭之發異苑云趙候以盆盛水吹氣作禁魚龍立見越方善禁呪也東漢徐登傳注事出抱朴子左慈字元放廬江人也少有神通嘗在司空曹操坐操從容顧眾賓曰今日高會珍羞略備所少具松江鱸魚耳元放於下座應曰此可得也因求銅盤貯水以竹竿餌釣於盤中須臾引一鱸魚出操拊掌笑會者皆驚操曰一魚不周坐席可更得乎元放乃更餌釣沈之須臾復引出長二尺餘生鮮可愛操使自前鱸之周浹會者操又謂曰既已

得魚恨無蜀中生薑耳元放曰亦可得也操恐其近即所
取因曰吾前遣人到蜀買錦可過勅使者增市三端語頃
即得薑還併獲操使報命後操使蜀反驗問增錦之數及
時日早晚若符契焉後操出近郊士大夫從者百許人慈
乃為贖酒一升脯一斤手自斟酌百官莫不醉飽操怪之
使尋其故行視諸壚悉亡其酒脯矣操懷不喜因坐上收
欲殺之慈卻入壁中霍然不知所在或見於市者又捕之
而市人皆變形與慈同莫知誰是後人逢慈於陽城山頭
因復逐之走入羊羣操知不可得乃令就羊中告之曰不
復相殺本試君術耳忽有一老羝屈前兩膝人立而言曰
遽如許即競往赴之而羣羊數百皆變為羝並屈前膝人
立云遽如許遂莫知所取焉本傳解奴辜張貂者亦不知其
何郡國人也皆能隱淪出入不由門戶奴辜能變易物形

山海經卷八

八

以誑幻人又河南有麴聖卿善為丹青符劾厭殺鬼神而
使命之又有編首意亦與鬼神交通解奴辜傳孟節能含棗核

不食可至五年十年又能結氣不息身不動搖狀若死人
可至百日半年十真傳張楷性好道術能作五里霧本傳並

吳猛因還豫章江波甚急猛不假舟楫以白羽扇畫水而
度觀者異之晉書本傳順陽樊長賓為建昌令發百姓作官舡

於建城山中吏令人各作箸一雙幸靈作而未輸或竊之
焉俄而竊者心痛欲死靈謂之曰爾得無竊我箸乎竊者

不應有頃愈甚靈曰爾若不以情告我今真死矣竊者甚
遽乃自首出之靈於是飲之以水病即立愈行人由此敬

畏之船成當下吏以二百人引一艘不能動方請益人靈
曰此已過足但部分未至耳靈請自牽之乃手執箸惟用

百人而船去如流眾大驚恠咸稱其神本傳僧涉者西域人

道術

也不知何姓少為沙門苻堅時入長安虛靜服氣不食五穀日能行五百里言未然之事驗若指掌能以秘呪下神龍每旱堅使之呪龍請雨俄而龍下鉢中天輒大雨堅與羣臣親就鉢中觀之卒于長安傳沙門曇霍者或遺以衣服受而投之於河後皆以還其本主衣無所汚行步如風雲

本傳並晉書

傳記 費長房遇壺公有神術能縮地脉千里聚在目前放之如舊葛洪神仙傳 後漢欒巴漢帝召為尚書正朝大會巴獨後到頗有醉色不飲而以酒望西南嘆之有司奏巴大不敬詔問巴巴對曰且鄉里以且能治鬼護病為立廟今日耆老皆入廟致饗是以來遲且本縣成都失火且嘆酒為雨以滅火災詔原罪即遣使往驗其言荅云正旦失火食時有大雨從東北來乃息雨皆酒氣後一旦大風天霧暗

洞玄經卷之七

失巴所在尋問之其日還成都與親戚別去而昇天矣

左慈拔簪以畫杯酒即中斷分為兩向 左慈明六甲能

役鬼神坐致行厨 劉政有道術能以一人作千人千人

作萬人又能噓水興雲聚壤成山刺地成淵並同仙翁為

客設酒不令人傳之見盃自至人前若不盡者則盃不去

葛洪神仙傳 琴彈碧玉調藥煉白朱砂解釀頃刻酒能開非時花

續仙傳 劉綱有道術能撒召鬼神禁制變化之事嘗與妻樊

夫人較其術俱坐堂上綱作火燒碓屋從東起夫人禁之

火即滅庭中兩株桃夫妻各呪一株使相鬪擊良久綱所

呪者不如數走出籬外綱唾盤中即成鯉魚夫人唾盤中

成獺食魚綱與夫人入四明山路阻虎綱禁虎伏不敢動

適欲往虎即喊之夫人徑前虎即面向地不敢仰視夫人

以繩繫虎牽歸繫於床脚下將昇天綱仕上虞令縣廳側

先有大皂莢樹網升樹數丈方能飛舉夫人平坐冉冉如雲氣之昇同昇天而去女仙錄

集吞刀弄火易貌分形京賦劉根丹篆二千字郭璞青囊兩卷書杜牧長繩繫白日大藥駐朱顏唐文粹

尸解

史宋母忌王伯僑充尚羨門韋昭曰皆效古子高最後皆

燕人為方仙道形解銷化服虔曰尸解也張晏曰人老如

體亦柔軟舉尸入棺甚輕如空衣世以為尸解晉書唐高

宗時道士劉合還丹成而上之咸身中卒唯有空皮而背

上開坼有如蟬蛻唐書互

傳費長房隱變解化神仙傳分形散影集仙錄道中有尸解

劍解水解火解實繁有徒嵇康郭璞非受戕害者以此委

蛻廣異記形如生人者尸解也足不青皮不皺者尸解也目

光不落無異生人者尸解也髮盡落而失形骨者尸解也

有死而更生者有未斂而失其尸者有衣存而形去者有

髮脫而形飛者皆尸解也白日解者為上夜半解者為下

向曉向暮去者為地下主者此皆得道之差降也集仙南

海太守鮑靚通靈士也東海徐寧師之寧夜聞靜室有琴

聲怪其妙而問焉靚曰嵇叔夜寧曰嵇臨命東市何得在

茲靚曰叔夜雖示終而實尸解顏愷之

集解形而遺世乘白雲而上賓陳子昂集白日尸解得為飛仙

上經尸解本真人之鍊蛻也五屬之隱適也上同

記纂淵海卷之一百八十八

